

約章成案匯覽

約章成案滙覽乙篇卷四十二上目錄

章程

賽會門

美國噴哩咄噴賽奇會章程 光緒二年

華商赴美國噴哩咄噴賽會章程 光緒元年

華商赴法國巴黎都城賽會章程 光緒二年

英屬奧大利亞賽珍會章程 光緒五年

英國倫敦賽魚會章程 光緒八年

德國伯林捕魚會章程 光緒五年

德國韓卜城牲畜賽奇會章程 光緒九年

荷國都城街奇會章程 光緒八年

華商赴荷國街奇會賽會章程 光緒八年

華商赴荷國街奇會增擬章程 光緒八年

美國散魯伊斯博覽會章程 光緒二十七年

美國工商部改定華人來美賽會章程 光緒二十九年

美國散魯伊斯會總巴禮德遞呈北洋賽會節畧 光緒二十八年

法國越南河內賽奇會章程 光緒二十八年

比國黎業斯賽奇會章程 光緒二十九年

比國黎業斯城賽奇會條例 光緒二十九年

日本大坂博覽會觀覽章程 光緒二十九年

華商赴日本大阪賽會章程

光緒二十九年

中國茶磁賽會公司章程

光緒二十九年

招商局輪船裝運賽會人貨減收水腳章程

光緒二十九年

約章成案匯覽乙篇卷四十二上

章程

賽會門

美國噴哩吧噴賽奇會章程

光緒二年

蓋自合衆由乾隆乙未年開國以來至光緒丙子年三月係百載週期正值開立賽奇公會之際特借此公會以作慶賀者非僅誌一時之盛典實有關係億兆之經營考自往古人尚文風政治國家尊崇士類而遂以工商農業為末務歷年非不久遠究無利民之效近世風俗丕變為政者咸知以利於民用為先故格物之學尚焉萬民日用之際自農具女工

兵器以及百工技藝制作衣食服用之事物無不借力於機器而機器之法無不出金石水火化學算學之中精於藝術之極為出類拔萃者然其技雖精其物雖巧若無比較以勸勉之究不能實有進益故於前二十年創此賽奇公會令天下萬國之民各出珍奇之物聚於一處相為比賽有出奇者或顯揚其名或給照牌或給憑據其緊要本原之意全在使民身安心樂智增藝長之間其法最良其意最美故二十年來各國皆有暢行此會焉即如前二十二年辛亥在英倫敦京城乙卯在法巴里京城壬戌仍在倫敦丁卯又在巴里三五年一輪至癸酉奧國亦遵照開立此會其始於法京時僅

本國各省公會漸立各國公會其堂宇之地初不過六十畝
漸增至六百畝而送物之民自一萬五千人漸增至三萬人
游覽者自六百萬人增至千數百萬人費銀自二百萬元或
至他國則增至千萬元而辦奇大使或三百或六百所建堂
宇始即精巧後更靈妙故倫敦有水晶宮之目至法京丁卯
開會時愈極美好殿宇宏敞圓頂如蓋重閣複室層次井然
其陳物之所分門別類重疊儼如珠網令遊人一目了然俄
頃之間各邦遊遍真奇觀也癸酉奧國在啤喧吶城特開此
會其堂宇寬宏無殊英法長樓飛閣圓頂如籠文窗網戶皆
玻璃所成渾淪浩渺恍置身於水晶宮闕也且於此公會中

國與日本皆深體此美意諭令工藝運物往赴此會可見人皆慕善中外有同心焉從此益篤和好數年一會民之智勇既增國之利益非少日新月盛其民之工巧自不亞於天下友邦矣故美國在丙子年繼往開來擴充此賽奇公會特於噴哩咤噴城景山園內出銀千萬元於辛未正月早經專派各大臣執掌賽奇公會借以作慶賀本國百載週期之舉溯念美國疆土初止十三省現已四十七省民人初止三百萬現已四千萬且皆性生靈巧能致富強生齒板冊每二十年即增一倍其堂址寬廣三畝至於複室重閣亦俱修於新建宮廷殿宇之內令其縱橫層次井井有條橫分豎隔縷聯條

明以列萬國珍奇品物且於預先將奇物分別何門何類何等何款何綱何目一一彙集成編不惟於美國聚賀之舉同深慶幸且於友邦氣誼之際益見真誠謹將創立賽奇公會及擴充接續開會之意並美國借此公會作賀之舉詳述顛末爰為誌之以備查考

一丙子年之各國賽奇公會欲開設於噴哩哋噴城在西曆一千八百七十六年

二開賽會之日即丙子年三月二十五日至九月二十五日止畢

三本國乘此專誠特請天下萬國各出奇珍異寶送往公會

以技藝勤能生理進益增長之處代為顯揚其名

四於甲戌正月十六日之前詳明答復是否赴請

五其赴請各國應派數員經理干係本國事務並請預先特派一員駐紮噴哩吡噴城至賽會完結之日以期便於交往妥協監理之事

六惟所赴請答復揀派數員之國之民准許送物擺列之事且來往文信應由所派各國之員轉送

七於乙亥年正月二十七日以前各國之員應知照執掌百年公會者詳請應用若干地方特歸其民陳列其地或在公會殿內或在屬下附近廳院

八共事赴諸各國所派之員將來得授詳細繪畫公會藏圖
圖式備用

凡各色陳列之物或在乙亥年十二月初五日或在以前應
到噴哩吡噴城以便合當分列門類且令各得其所

十美國耆老會所立千條稅務章程及稅課等之律例並執
掌百年公會者所立千條運物分派處所陳列分類暨備各
機器所用汽力保安巡役等事件以及別項需用便於顯明
收存物件之各專條迅速通知共事各國使臣

附錄美國照會

為照會事照得丙子年三月係本國定鼎開基百載之期受

萬福之麻傳祚久遠理宜共慶昇平同修紀瑞茲百姓為願
特開賽奇公會以昭本國人才技藝之增巧且詳佈海內萬
國各篤兄弟之誼同敦和睦之好而耆老會將此公會一切
規式已於去歲佈達屬知本大臣茲奉旨為本國開此公會
已經在噴哩吧噴城採擇寬廣地址築修宏潤華麗堂宇希
各國將窰農織工六藝各屬精巧器皿物件送往本國共相
比賽庶見人才之敏妙而昭和好之固誠且令各國之民相
為交導不患言語之不通而一見其物之作法洞明於心不
待言而直如教習焉使出奇者益加勉勵由此日有進益互
以巧思省力之法共得利用雖以前有嫌疑之國至此漸為

消釋矣從此國與國相親民與民相近皆有富強之效其民
焉有因嫉富嫌貧之心致生不睦之意哉此公會非為一人
實為萬衆非為一國實為萬國所以與國曾照各國之例開
立此會時中國與日本皆派員往赴且中國與日本之民由
此多得名譽照牌足見中外同慶天下一家傳揚各國共為
讚美今本國正屆丙子百載開國週期茲照會

貴親王希即咨行南北洋大臣轉飭各屬曉諭工匠商民將
天生妙品土產奇珍製造精巧之物博雅古董之類官為經
理運送本國亦酌免稅課况此會作慶賀之舉諒

貴親王必將此役應派委大臣赴賀之意婉轉具陳並經理

各海口運物事宜意見和睦之邦如中國之與美國可謂胞
摯矣惟希於甲戌正月半十六日以前將赴賀大臣銜名及
陳物之地約用幾何詳細照知俾本國執掌公會大臣備辦
妥協以便陳列中國奇貨俟照復本大臣具陳公會得書後
便將公會堂牌圖式貨物門類一冊分送備查謹將現定章
程十條記載一扣先為附送此後尚有未盡章程定妥再為
分送理合照會

華商赴美國噴哩叱噴賽會章程

光緒元年

一凡寄物赴會者應將物名價目開單報關或報公所聽候
查核收單日期自本月二十日為始

一凡報寄之物經公所核准定於十二月初五日起至明年二月初五日止送交公所以便彙寄過期一概不收

一公所收到各物即給收單為據自發單之日起至由美運回交還原主之日止其間如有遺失公所照價賠償往來運費均由公所代出入口時一概免稅其在公會沽出之物美國應徵稅餉例由買主輸納總之不論沽出寄回於原物主毫無花費

一有希奇之物物主止欲寄會博賽不欲出沽者本公所一例代寄不取運費倘有遺失照單賠償

一貨物本主及欲遣人隨物同往者亦可報明公所自應妥

為襄助

一凡欲知詳細者每日自巳正至午正再自未正至申初可親到公所面見德稅司商問一切幸勿觀望

華商赴法國巴黎都城賽會章程

光緒二年

第一款

一凡出洋賽會准收各貨物之類如新舊磁器瓦器銅器法金裏藍器金銀器銅鐵錫木器傢伙什物雕刻器油漆器象牙器竹器各色扇樣綢緞紗綾織絨棉布夏布顧繡欄杆絲帶各種帽皮作器皿皮貨衣箱毯毯蓆軍古玩字畫冊頁影像紙張筆墨古錢古硯各色金石礦質以及軍械器物等件

第二款

一欲赴會者須先將出賽之貨物於報單內註明某物件數若干出於何處如何用法價值若干在報單內註明送交該處稅務司斟酌該稅務司於接到報單時隨即酌量是否能入會即發回信如准赴會之物然後編入該商即行運送可也

第三款

一凡已准其出賽之物由中國出口時正稅應行豁免運至法國業經賣出則該貨應照該國章程完納稅銀如果不能銷售則不須完稅原貨運回中國於該國復出口中國復進

口時一例照免其賣貨報關及原貨回國等事均由賽會委員辦理所有赴會貨物應開清單註明名目式樣件數若干本處價值若干當賣價若干交與委員以便照辦倘有錯誤等情致被法國盤詰均係貨主之事與委員無涉

第四款

一凡欲出洋賽會者須知出賽之貨將來在法國賣出必照價值完納稅餉若置本單所開浮價將來完稅照浮價之數納餉且價貴亦恐難銷是凡開列貨物置本清單須將實在價值註明為要

第五款

一凡奇巧之物送往會內擺賽不願發賣者其往來船費均由賽會委員發給其餘發賣之貨船費係貨主自行支理但其間亦可商量先為代籌一俟該貨在法國賣出之日照數歸還至各商赴會貨物往來水腳一項賽會委員自當竭力向各輪船公司請其減價以便運載

第六款

一凡出洋賽會各貨自該貨上船放洋之日起至該貨復回本處或該貨已在法國賣出至完會之日止其保險經費應由賽會委員經理倘有虛報價值概行不准保險以昭慎重

第七款

一凡在巴里京城裝修賽會公所一切經費概由出洋賽會局自行辦理與赴會者無涉

第八款

一凡出洋賽會之貨在中國裝箱一切費用應由貨主自行辦理至將來由巴里城復回中國所有裝箱存棧各費則由委員辦理其貨物須用堅固箱隻加以橫木箱蓋須用螺絲釘固箱面寫明某商某貨若干件此係第幾號寄某處交中國某某查收賽會以期穩妥倘有疏忽誤事則責歸貨主與委員無涉

第九款

一凡出洋賽會發賣各貨准其貨主自去管理或派人在巴里京城代辦或託交賽會委員所派殷實經紀代辦悉聽其便如交委員所派經紀辦理將來賣出之費照例該賣價每銀百兩抽收用若干兩其銀兩貨價或現銀或滙票寄回中國等事均由賽會委員妥為照料

第十款

一各關稅務司準於光緒三年八月初一日起至十一月底止許各商送交出洋賽會貨物如過期來遲者一概不收特此聲明

第十一款

一所有出洋賽會章程招商告示及貨物置本清單格式俱已刊刷式樣欲知其詳細者准至各關稅務司處取看以便週知

英屬奧大利亞賽珍會章程 光緒五年

奧大利亞之昔德尼一千八百七十九年之賽珍會其會之長或為該處總督或為英國特派之大臣副長為該處之按察司暨其律法處之三人更有辦事者姓浙甯斯又有會辦二十人及司書啟者姓馬力斯以上俱在奧大利亞辦事者以下均在倫敦辦事之人其會長係伯爵之必爾末了副長為有世爵之枯拍爾暨會辦十二人另有十五局之總辦以

上會長副長會辦俱能預各局之事故亦為各局之人所有之十五局列左

一司理建造賽珍會廳堂並堂內排設各事以襲一代世爵姓海者為總辦另有幫辦六人

二司理賽珍會廳堂外花園及院中並大門等事以議院有位姓速施爾者為總辦另有幫辦五人

三司理進出各款以律法處有位之姓團敦者為總辦另有幫辦四人

四司理各動物所自來之件以律法處有位之姓麥克來者為總辦

五司理各植物所自來之件以熙爾為總辦

六司理礦料及五金等件以薩某曷爾為總辦

七司理製造各件以議院有位之姓麥里門者為總辦另有

幫辦六人

八司理大呢及織成之料以特勒伯克為總辦另有幫辦六人

九司理各種名酒以昔德尼之宰姓鹿伯次者為總辦另有幫辦五人

十司理華麗之文藻並雕刻以及古玩等事以儒士格蘭為總辦另有幫辦四人

十一司理機器器具者為總辦五人

十二司理喂養牲口以真經斯為總辦另有幫辦五人

十三司理教習並格致學等事以博學儒士斯密特為總辦
另有幫辦四人

十四司理本會印書等事以園敦為總辦另有幫辦四人

十五司理迎送即歸會長副長並會辦等

附論賽珍會緣起

今年奧大利亞請各國賽珍之意係出自新南威爾斯農務
會者其會逐年舉行已有成效該省之官於一千八百七十
八年西二月

光緒四年正月間

應允其會內之意將登之於官報而

英國君主亦允之轉告於他國在一千八百七十九年西八

月

光緒五
年七月

於昔德尼請各國賽珍會去年法都設賽珍會時新

南威爾斯農務會之人亦在焉當向各國至法都賽珍會者
宣揚自欲建賽珍會之意並已有與他國及英國商定應讓
陳設之所若干兼將奧大利亞之一切細情告於英國暨他
國之至法都賽會者因此其事漸以增廣而農務會不足以
任之故英國國家於去年十月間允以由國家舉行茲已選
定極善極便之區建造賽珍會之廳堂英議院已允助之以
巨款而會中之總辦董事等復請新南威爾斯之人竭力將
土產獻於會內以示各國之人既可傳本地之聲名復以致

敬於各國臨奧大利亞初次所建賽珍會之客若本省竭力
而辦斯會英國及他國又復協辦轉運珍奇赴會即此次之
舉可冀有成效矣斯賽珍會於一千八百七十九年西九月
之首禮拜光緒五年七月十五日至二十之間開設於昔德尼自開至閉以六
箇月為限

附論賽珍會章程

一凡欲賽珍者須預請陳設之處若欲得其會之章程可信
致會中之司書啟者即可得之又奧大利亞已讓在倫敦辦
會事者於會內各類之處地方廣濶若干專為英國並歐羅
巴各國賽珍之用我處決不佔據

二欲得有陳設珍奇之處須於會期前一月信致該會方可
三凡欲賽珍者如其本國國家不派員經理即本人無妨自
作信致該會之司書啟者商之

四凡國所派經理賽珍之員須在西八月初一日
中歷六月十四日
之前送應若何陳設之圖及賽珍者之名單

五凡欲送珍奇於會須於包箱外寫明送至其本國駐於昔
德尼之員若賽珍者無本國之員在會即送至經理斯會者
之處

六若有經理之員者可在所送之件外簽名某國經理賽珍
會之員惟包箱之簽須貼兩紙以防有擦損並須於物件上

有本國之記號凡有他國所來之件另畫斜方內有曷斯管
呬三字母又他國送來之珍奇亦須簽條自何處送來者
七所有運費及除去包箱之費並陳設等費均賽珍者或代
辦事者所自備若賽珍之本人不至又無代為辦事者即本
會之司事者為除包箱及代為陳設事畢仍為之或裝箱或
包好僅取一律公正之費若包箱已除運珍奇至賽珍會之
門所有陳設等事即無費

八凡賽珍之件進口概予免稅除有緊要之故外所陳之件
不得擅自取回須俟事畢方可當賽珍時雖可將所陳之物
售之於人惟須事畢方可取物

九凡在新南威爾斯可領專造之據者議院當格外加意護持之

十自西七月初一日

中歷五月十二

賽珍會收進物件凡物件非尋

常之式陳設者因此或另有工程必須經理賽珍者允許始可其工程須歸會內管理工程者辦之

十一凡會內之地方寬濶若干已讓與某國而於西九月初

一日

中歷七月十五

陳設未滿者即將餘剩之地交於經管會事者

任其另行辦理

十二凡陳設之件不欲得獎賞者必須預定之即評斷家亦不深究其物

十三本會各種物件之單係英國之語言文字其費為經理會事者所備惟每送物件之國可將己物自備資而具其本國文字之單本會之單任本會應若何售之於人

十四凡本會陳設之件其華麗者無論宮中及花園內俱不得擅自張挂鋪設如有欲之者須問賽珍者及會內之人允而後可

十五凡須用汽之器汽不須多者本會自不取資在本會於陳設之汽機固期使之運動俾人瞻視如所需之汽若干合乎理者本會自亦按其馬力而備汽也

十六凡陳設物件所需用者如玻璃箱櫃及攔板等件均賽

珍會者自備至運動汽機之大鐵軸由本會所備而每機器
之小鐵軸及皮帶輪皮帶均賽珍者自備之他如玻璃箱櫃
等本會可以包辦按照立方尺之若干而資則賽珍者所備
也若有須粉飾之處必得問於經理會事之人

十七經理會事之員因具有將所陳之物退還原人或不收
存其物之權凡有危險之物或有穢氣者或有秘戲春冊等
件均不得陳設

十八凡奢華之件可否賽珍陳設另有總辦審定若古畫等
則另備有懸掛之室

十九經辦會事者自應格外保護所陳設之各件惟或有遺

失或有損傷或為火廢者俱不認賠

二十凡國家所派經理之員或賽珍者可保險其物並可另自僱人以護之當於外人進觀之時均藉此項人護持於物惟僱用之人亦須問於經理會事之員即須另穿號衣或於衣上另具記號若所用之人仍不足保護即可招巡捕相助二十一凡有獎賞必須攷究家上有稟帖其稟上須攷究者自行簽名而攷究之員必須人所共知係才具兼優素為良善之輩且深悉於所究之類者其所定之人數半由每國自行而人之多寡嗣後再行告聞凡獎賞按其物之實係佳器或與同類之物相較而為佳者何謂佳器或為新器而為向

所未有者或係舊式而更為新者或構思物料奇製為某物之意或物之適於用者或其物實佳或物之巧或物之工美或物合於所用或物為人所向思而未得者或物較先前已有者為簡便而所製之件其費減輕按照種種情形而定獎賞攷究者於評斷既畢即應上稟莫可遲延其獎賞則歸經理會事者專之所賞者乃憑據及金圓牌並攷究者之原稟也得獎賞之賽珍者可將憑據及攷究者之稟自行排印分送於人惟事畢後本會印書敘得獎賞者語言之繁簡則由本會主之

二十二至於喂養之牲畜亦如此論賞惟除所賞給者外另

有獎賞後再告聞

二十三會畢另以兩月為限或賽珍者或代辦事者將物取回若逾期不取即將其物或拍賣或另銷售除去拍賣之費所多之款或寄還賽珍者或辦事者

二十四凡送物件至會者即遵此章程

二十五經理會事者嗣後或改或增或註是章程

二十六凡欲訪問會內情形可信致昔德尼本會之局問之
附論賽珍會品類

所謂類者即從美國於光緒二年在飛拉德裴亞之賽珍會所行者也以下所詳之類惟來人送一類之物至會非論類

之陳設也除運動之機器外不得於廳堂及廊下陳設者即
賽珍者可於所讓本國之地按章任便以類其物所類如左
一論礦務分為三項一為礦內開出之料含五金及煤炭並
石炭膏造磁器之料筆鉛料印書之石版磨石以及地內所
來之鹹水鹽硝等件二為煉成之五金三為開礦之法或圖
或木樣或地裏及地外面可開礦之圖

二論製造之物件分為十四項一為化學之料及鹽油肥皂
蠟燭漆染料墨香料火藥爆竹箭等件二為泥造之物如磚
瓦器及造房屋所需之磁器三為玻璃四為屋內所用之木
器及陳設之玻璃器磁器金銀器鏡子小兒所坐之小車小

椅小牀以及爐竈燈廚房所用之件洗衣之物浴房內應用者暨百頁窗等五為植物及動物並地內所來之件如線紗及所織之物並油布漆布賈皮等件六為動物所來之線紗及所織之件如羊毛呢毡等七為絲造之物如蠶繭生絲及線綢緞並絲帶等八為各項衣帽首飾以及一身所需之物或出外應用之件如雨傘衣箱煙袋暨古今各國所用之衣服九為各種紙張如簿子書套信紙繪圖紙名片紙紙牌屋內裱糊紙等十為軍火器並獵器如洋槍手槍刀長槍捕鳥捕鼠所用之各件十一為各項藥材及醫生所需之件並無論水陸安運或傷於戰鬪或傷於他故之人各項器具十二

為各種銅鐵所造之件為手藝所需者如刀鑿剪等件十三
為動物植物及地內挖出所造之各件如象皮刷繩旗盤羅
紙膏及鍍錫之鐵件等十四為各種車類如鐵路之車及農
務之車歸機器之類不列於此斯僅列行走之各車及車上
所用之件並馬鞭皮套皮帶等件

三論教習及格致之學分為四項一為教習幼童之法及書
室內之書籍畫圖各種筆習練力量之件並屋內所需之木
器等此為小學之事更有大學應用之書室並所有動植各
物之質及教習工程之房屋並教替者聾者啞者癡呆者技
藝之各法以及各項書籍新聞紙花花報等件二為各種格

致之器具並天文器測量器探海若干之器寒暑風雨等表
測雨若干之器量空器含水氣若干之器量水流之器量人
行車行若干路之器量器天平鐘表視遠鏡顯微鏡照相器
電報器各音學器樂器等件三為各項工程之法如開河開
陰溝水底開路及開鐵路並海面行舟之圖造橋造房屋各
圖式四為與人之性情攸關者凡人習力量及育嬰之法各
種食物並造房屋公所浴堂之佳者及買賣銀行保險立公
司各章程各國之錢法寶鈔防捏造假冒等法以及律法刑
法刑房巡捕並將游手好閑之輩收管之方又有教習不知
禮法幼童之方郵政之法立專造之憑據各項善舉之醫院

眼科目科女科時症瘋症以及船隻來自疫症之處恐有瘟疫傳染於所到之區治以免之更有施藥處戒酒處收生處收養妓女之堂養育堂普濟堂等之法暨賑濟之法免土人為別人流虐之舉寬馭牲畜之會彼此相助之會各傳教之會各賽珍之會等事

四論華麗之類分為六項一雕刻二畫張三刊銅鋼石各版印書石版等法四各種照相之法五繪房屋之圖或器具上所刻所繪者仿繪之圖六玻璃等件其上或刻或畫照撫之之圖等法

五論機器分為十一項一鑽石機器及開煤礦鑽井各機器

之法煉五金之爐造化學科造火藥造肥皂造煤汽各機器
等法二車鑽鋸壓打五金木石之機器及造磚瓦機器等法
三紡織以及造毡造紙各機器之法四縫衣造鐘表造鞋造
鈕造針造煙袋各機器等法五排鉛字造鉛字印書折紙造
書套各機器之法六運動之機器如鍋爐車水之輪風車船
上之暗輪等器之法七車流質車風吹風壓水櫃起重架水
龍救火應用之件造冰之器各種機器等法八鐵路需用之
器及各種車等法九研粉研香料造糖油煙酒各項機器之
法十行車之鐵線纜氣毯飛用之法管內以風行車之機器
各項風帆船海中救生之法十一本賽珍會所用之機器如

鍋爐汽機起重架車水各機器等法

六論農務各件分為十三項一各動物之食物如各種魚肉牛奶奶餅蠟蜜糖等物二動物當料用之各件如皮貨角貨油貨香料螺壳蜜蠟呀喃米等件三養魚捕魚運魚及魚子各機器等法四種樹之法並木料樹皮樹葉等物又免木料或爛或被火所焚之各法以及染坊所用之木料並使皮熟之木料暨或為野獸或為蟲所傷或傷於寒凍或傷於夏日等法五各種果子六五穀及煙草茶葉等並各件之種七麵粉碎米去外壳之糧食各種乾菜麵包各項食油等物八各種名酒九各動物植物所來能紡線紗之料如羊毛棉花麻

蠶繭各種毛等件十養養之六畜及野獸等十一農務所需
之各器具或耕種或收割並造牛奶餅造糖等各機器之法
十二開墾之各新法如取去樹根開路開溝灌溉築籬等法
並各種代糞之料馬棚車棚以及農工房屋倉房蜂房六畜
房與蜂攸關之房等件十三種田之法或園或器具及養六
畜之房並醫治等法

七論花園各事分為四項一各種花樹及與花攸關之件二
玻璃房內之花卉並果子三種花器具鐵絲籬笆及洒掃花
園雅緻之法四各種花園之圖及造假山之法

英國倫敦賽魚會章程

光緒八年

第一款

英京倫敦擬於西歷一千八百八十三年開設賽魚公會係奉大英皇后御敕保護欽定並由英太子總理其事

第二款

倫敦賽魚會於西歷一千八百八十三年五月初一日開設約以六箇月為度即行停止

第三款

論設會之大旨悉載篇末分類表中不外乎洋海湖河之各種魚類其所用器具以及捕捉之法均在其內

第四款

凡入會之物極佳出衆者應分別賞賚給予金銀銅各種獎牌及獎照均由會內陪驗官發給其等第俟擬定後再行頒出

第五款

凡入會陳設各物地方均無使費惟盤川水脚安插運送各項均由入會人自出其收放等事亦由入會人本身或代辦人經營至收會時若不將貨物載回其應如何安排之處可由會員代為料理但一切費用仍須入會人付給

第六款

凡入會者須先刷印信函知照會中苟非因展限之故務須

於西歷一千八百八十二年七月初一日以前函致辦會大員以便商准給照入會

第七款

辦會大員須於西歷一千八百八十二年十月初一日以前知照各領照人預將所定入會安置貨物地方逐一陳明以便會員早為定奪一俟入會時即按照所定若干地方分給衆人

第八款

如有幫助公會願將貨物借與會中陳設者務須向辦會大員商辦會員當給予執照令其註明在上以憑收回

第九款

凡派往外國經理會事人員務與辦會大員及早通信因會中一切安置地方事宜均應責成該員先行知照以便預備除未派經理會事人員前往之國其入會人當徑向會員商辦其已經派員經理之國會員可不必與入會人往來商榷

第十款

會員等應俟接有派往外國經理人員來函即行按照來函如式預籌地基以便入會人布置貨物

第十一款

領照人本國並未派員經理會事者其應預備地方之處仍

可徑向辦會大員商定

第十二款

會員宜與各處鐵路公司議訂運載入會貨物往來專條如有成議即行知照各國入會人一體遵守

第十三款

凡入會人無論僱夫挑運或由鐵路公司裝運入會貨物往來遞送收放等事悉由本人經理會員概不與問

第十四款

所有入會人各物細紮停妥包面須蓋印紅字戳記並須書明入會人姓名貨名及數目為證

第十五款

凡各包入會貨物清單亦須填明入會人姓名貨物若干件及由何處收發字樣

第十六款

凡入會貨物往來遞送收放或不加細縛均須入會人或代辦人自行照料其不加細縛之物尤宜點驗清楚若貨物抵會時無人點收會員當仍令腳夫截回無論何物到會時苟入會人或代辦人不在其旁倘有遺失損壞等事均與會員等不相干涉

第十七款

凡入會貨物由外國運載而來必須蓋印紅字戳記寫明入會人或代辦人姓名並聲明由某國運載而來貨物若干字
迹宜極清楚不可模糊

第十八款

凡入會人在會中所佔之地位務須讓出公路以便行人往來

第十九款

會中所用玻璃箱櫃櫃臺板座等均無定式惟玻璃箱櫃及
隔斷離地板不得逾一丈櫃臺不得逾三尺板座不得逾一
尺

第二十款

凡列貨之地所置閣干宜一律高於地板二尺六寸須在所定地址界限以內不可侵佔他處

第二十一款

會中地板非由會員允許不得因便於陳設貨物輒從更改
違禁即使會員准行其工費須由入會人自出

第二十二款

入會人所設貨物不准阻遮亮光有礙道路並不得妨害他人
致多未便

第二十三款

所有裝潢宜歸一律並臻佳妙苟非由會員准行不准擅用

他項旗號及一切裝潢

第二十四款

凡招牌等類當懸挂後面不得平列於貨架之前庶不致有礙亮光招牌須用金黑二色應如何懸挂之處須聽辦會大員調度

第二十五款

凡招牌等或刻或寫倘非整齊精緻者不得粘貼

第二十六款

凡入會人倘經會員准建辦事房於列貨之地其屋式非由會員特准高不得逾八尺須蓋於貨架之後色用金黃或黑

油漆俱可

第二十七款

凡陳設貨物之地四周隙地不准安放貨包及空箱在彼貨箱一到隨收隨開空箱即由入會人代辦人立刻運出會員不能代為收納搬運其運費亦由入會人自出

第二十八款

凡盛貨空箱會員並不代為寄頓棧房會中亦不預留空地存儲

第二十九款

入會人務須預備人役自開會以迄停會時常洗抹貨物貨

架均令清潔整齊楚楚可觀

第三十款

入會人非由會員允許不准挪移地位將貨物陳設他處及將他人貨物並列一處

第三十一款

凡會中貨物皆須寫畫本人所用之名號

第三十二款

列貨之人若係商賈務須一律號清所值以便官人酌核則觀者易知其價

第三十三款

凡會中貨物有賣出者於場門未閉之先非由會總持言允許一概不准取出至貨物之能霉爛傷損者亦為之另設專條

第三十四款

出列器皿者必用水氣或煤氣須將應用多寡報明至列行動機器者又須報明其動轉力之大小一切應用者如鐵木架滑車煤氣與水氣等使費皆歸本人然須遵守條規及聽從伊本國官之命令

第三十五款

一切物件之能轟爆有險者皆不得送入

第三十六款

燒酒大酒以及油水等各種之能霉爛他物或與場中有礙者只得收入盛以小器列於堅固之處以保不虞

第三十七款

會總自操羅列各國貨簿之權而各國亦可自以本國文字繕寫一本內載所列貨物名目價值

第三十八款

所有貨單及他刷印紙片之送人觀者必先經會總或督辦人過目批准如會中有不便者可隨時撤回

第三十九款

凡出列之貨非經會總批准不得照畫以及仿造

第四十款

凡物遺失損壞會總一概不管雖辭其咎然必悉心預防以免遺失損壞

第四十一款

收貨之期放貨之地發給門牌及如何選人驗貨頒賞以後自當陸續酌定

第四十二款

各款之須加增刪改皆歸會總管理

第四十三款

凡英人及各國人之為賽物者聲明遵照所定各款及將來隨時續定之款會總自當隨時發給

第四十四款

凡人之不守條規者會總咸有除去挪移之權

第四十五款

當列會時如被所列之機器傢伙傷壞遊人官役無論何人及本會僱用之人則本人須令貨主賠償不與本會會總相干

附賽魚會分類表

第一類 洋海湖河捕魚船隻機器等

第二類 漁人衣服房屋等

第三類 存儲備用販運各種魚類

第四類 養育魚類各法

第五類 養育所各式

第六類 論漁業各種書籍

第七類 賽會賞格

德國伯林捕魚會章程 光緒五年

於一千八百八十年四月間德意志暨布魯斯國在伯爾林
京城內港外海各國舉行捕魚會所有物產與器具均如期
陳設專賴德國皇太子庇護現經執政大臣裴理敦達勒派

定督辦德國捕魚會各員姓名如左

庫長貝爾 委員布森 提調官裴特士 男爵包木巴哈

鄉正波爾內貝倫先 上法院當諾曼 委辦處多倫

鄉正愛哈耳 德律賓先 鄉正愛耳斯 列班則勒貝郎

克 上法院發斯特瑞 軍機處弗力得勒 內院提調官

克來弗 提調官赫耳美斯 提調官內院瑪耳喀特 提

調船務森特包勒伊拉里 上法院舒勒才 御醫房赫耳

潤弗 農務司特瑪克

議定陳設各物辦法

一陳設水族或生或乾或燻或搗碎均如法調治貯於酒甕

或藏於鐵箱又如海草粗細珊瑚雲母珍珠蚌等類或付工以成物或肖形以為圖均能造假如真至水中昆蟲帶壳之屬如龜蠊蝦蟆長蟲水鳥等類皆異其地即異其形而為水族之物產也

一陳設各國各種捕魚之器具船隻或詳其式或形於圖而所需粗細物料悉以機器按法製造

一陳設水族魚鱗蛤蚌之類蓄養魚子或詳其法或陳其具所以明水族之變化也

一陳設生活水族分往各處運載詳其各種器具格式

一陳設商人販賣乾鹹火燻等魚詳其調治之工與收藏之法

一陳設漁舍漁衣漁具凡上文未提及者詳其式

一陳設因漁而考水性以化學考驗法以草木考驗法並以機器考驗等法

一陳設古時捕魚之具形圖誌譜表記等物

一陳設捕魚之事佐以書籍考略以明各種水族流傳之理
議定捕魚公會章程

一自一千八百八十年正月初一日起有欲陳設各物應將一切房舍什物按章編號以便司會者隨時核辦
一於本地陳設各物一切經費均由本會經理

一洋三月間將各物由鐵路運往伯爾林京城一切花費毋

庸由本會措辦至易壞之物亦可於開會時再行運往陳設
一陳設之物由會中妥為保護以免遺失損壞及偷竊失火
等情有願出資者本會予以保險票

一散會時陳設各物運回花費均由本會的給其易壞之物
應由會中商同本物主按市價代為銷售

一各項水脚及保險票費應臨期再行酌定

一陳設各物應將物主姓名住址查明其有欲將各物運回
者應由本會另存一詳細表記以昭慎重

德國韓卜城牲畜賽奇會章程

光緒九年

各項會條號單辦法章程

第一式

領取入會憑單第七所

類

信面格式

函寄德國昂堡城一千八百八十三年新設關涉農政生靈
賽奇會總董某查收

信內格式

所有賽會各物務須逐件開列清單二分所領之入會憑單
極遲至西歷一千八百八十三年五月三十日務須呈進

來函須填寫入會人姓名職業住址

一來函物件數目暫空出勿填寫

二所賽何項物件須於來函中預先聲明

三須聲明賽會禽鳥雄者若干種

四須聲明賽禽鳥雌者若干種

五賽會之物係何種類並其顏色均須開明

六安置各種器具地位須若干方尺

七屋內須佔若干方尺地位

八屋內安置几案須佔若干地位

九屋內牆垣須佔若干方尺地位

十屋外須佔若干方尺地位

十一建置房屋須若何式樣

十二入會之物如須售賣者其價目須若干

十三保火公司費用若干

第二式

領取入會憑單第六所

領介

第八所

安置社畜廐所
及各種器具

第九所

養養生
靈諸學

信函格式

函寄德國昂堡城一千八百八十三年新設關涉農政生靈

賽奇會總董某查收

信內格式

來函須填寫入會人姓名職業住址

一來函物件號頭暫空出勿填寫

一賽會物件數目若干

一賽會之物係何式樣須先聲明

一屋外須佔若干方尺地位

一屋內須佔若干方尺地位

一屋內牆垣須佔若干方尺地位

一屋內安置几案須佔若干方尺地位

一各物要加大地位安置物件須先聲明

一入會之物如須售賣價目若干

一保火公司費須用若干

一賽會物件係何人所寄必須聲明

第三式

領取入會憑單第一所

類馬

第二所

類牲畜

第三所

類羊隻

第四所

母猪各件

專寄與某所須註清楚函寄須填姓名職業

住址

一來函物件號頭暫空出勿填寫

二寄與某所須聲明

三何類牲畜須註明

四雌雄須註清

五牲畜之顏色須寫明

六牲畜之年歲幾何註清

七牲畜由何處喂養寄來

八九十十一等皆見第五所內聲明

十二牲畜何時生養

十三如須售賣其價目若干

十四保火公司費須用若干

十五馬廐式樣若何

十六另外應用房屋式樣

十七單內未及開者自行註明

第四式

領取入會憑單第五所

蜜蜂類

信面格式

函寄德國昂堡城一千八百八十三年新設牲畜農政器具

賽奇會總董某查收

信內格式

來函須填寫入會人姓名職業住址

所有賽會各物件須逐件開列清單二分所領之入會憑單
送入會內愈早愈妙緣因 C D 二號極遲至一千八百八十
三年正月三十日如 A B 二號至五月三十一日皆須送齊
一來函物件號頭暫空出勿填寫

二賽會物件數目若干

三賽會物件式樣如黃蜂蜂房等件皆須聲明

四應用遮蓋地位若干

五應用遮蓋牆壁地位若干

六應用遮蓋几案地位若干

七不必遮蓋地位若干

八另外應用房屋等件

九入會之物如須售賣其價目若干

十保火公司費須用若干

十一單內未及開者自行註明

各所牲畜賽會辦法章程

第一所

各國各種馬匹計共花紅銀五萬瑪克即洋銀一萬二千五

百圓並各項獎賞

第二所

各國各種牛隻除例獎外計共花紅六萬八千一百二十瑪克即洋銀一萬七千零三十圓

第三所

各國各種羊隻計共花紅銀一萬九千四百瑪克即洋銀四千八百五十圓並有各項例獎

第四所

各國各種母猪除例獎外共花紅銀一萬一千四百八十瑪克即鷹洋二千八百七十圓

第五所

節譯
大畧

蜜蜂類花紅銀三千零二十五瑪克

四瑪克抵
英洋一圓

另備金牌三

件銀牌五件獎單九紙分別酬贈

第一項蜂王

第二項整羣蜜蜂

第三項養蜂蜜籠

第四項養蜂應用器具

第五項蜜蜂出產

第六所

簡介類除例獎外備有花紅銀二千零六十瑪克並金牌八

件銀牌二十件銅牌二十二件

第一項畜養鱗介應用之器具物料

第二項池塘漁具

第三項江湖漁具

第四項衛漁器具

第五項畜魚運魚器具

第六項活魚

第七項變易朽敗魚鱗為糞田肥料之法

第七所

各國家畜雞鴨鵝並禽巢等類除例獎外另備銀牌銅牌

暨獎單分別酬贈

第八所

安置牲畜廐所及各種器具

第一項牲畜牧地

第二項牲畜欄位

第三項安置牲畜房屋各料

第四項牧養各種器具

以上除例獎外另鑄金銀銅牌分別獎賞

第九所

恭養生靈諸學

第一項各種器具

第二項各種耕牧圖說

第三項各種牧政志書譜表及一切創立規法

第四項牧養生靈各法

以上除例獎外另鑄金銀銅牌分別獎賞

荷國都城衙奇會章程

光緒八年

大荷駐劄中華便宜行事大臣費為特行告白事照得
前於光緒七年九月三十日即西歷一千八百八十一年十
一月二十一日曾經頒發告白聲明本國設立衙奇公會於
中國光緒九年三月上旬開會起至九月下旬止即西歷一
千八百八十三年夏季起至秋季止此會設在本國都城亞
摩斯德爾登地方所有章程已具前告白內矣今復將中國

物產貿易出口各貨並工藝奇巧竹木雕刻鑲嵌漆飾並五金鑄造等物及一切古玩陳設器皿暨應用傢具分別開列於後

傢具器皿部

一木器並藤竹編製之物園庭陳設飾觀各具類

甯波府所製雕刻嵌牙鑲花各樣木器牀 櫃 桌椅 靠

背坐榻 梳粧鏡臺 寫字桌案 圓屏 畫架 書檯

接放食物桌 燈架 茶几 臥室便桌 廣東汕頭漆器

牀 桌椅 榻 接放食物桌 臥室便桌 小桌 小椅

洗面木架 雕花圓屏 廣州府所製藤竹編造之物並

硬木鑲石木器藤編大小椅 小兒推行椅 折疊椅 擡椅 衣簍 小兒睡牀 竹牀 竹椅 大小黑白色椅 硬木靠背坐榻 繡花背墊椅 繡花綢緞圓屏 鑲磁鑲石桌小椅 臥室便桌 法藍面桌 書架 關牌桌 鑲石面關牌桌 生漆烏木傢具 繡花綢紗圓火屏 牀大椅 茶几 桌 櫃 接放食物桌 繡花背墊椅 寫字桌 長桌 圓桌 雕花架 繡花綢緞圓屏 下棋桌 花石面小椅 花石面長桌

一繡貨軟片鋪墊毯毯被褥畫架鏡架等類

山東煙臺繡花枕頂 蘇杭織造各繡貨 鋪墊椅披 直

隸天津駱毛地毯 裁絨毯 廣州甯波所製鋪牀各樣席
鋪地板蓆 鋪桌用極細蓆 溫州台灣所製鋪地蓆
南京上海鎮江布被 牛莊羊絨被 駱毛被 天津上海
織絨被 天津毯被 甯波雕花畫架 廣東硬木大小穿
衣鏡架

一銅鐵鎖鑰類

廣東各樣銅鎖 北京各樣鐵鎖 上海花素銅鎖 漢口
銅鐵鎖

一金銀所製並黃熟銅白銅鐵錫鉛打造之器類

牛莊金葉 各色鐵器 銅煙袋 錫茶壺 酒壺 火鍋

汕頭鐵器	錫器	廣州金銀器皿	銅器
麻鞋鐵器	廈門銅箔	魚鈎	帳鈎
紅黃丹	廣東		
壺	寸光陰	福州真假金銀葉	銀花
銅鐵打造各器			
銅盆	鈕扣	銅絲	水煙袋
銅錫箔	銅火鑪	茶	
銅鐵頂針	鐵杓	漏杓	油燈
燭臺	雕花香爐		
刀	各工匠所用各式樣刀剪	大小烙匙	熨斗
銅鑷			
假金銀線	鐵釘	鐵針	船上用鐵絲繩
捲刀	剃頭		
煙袋	水煙袋	煖壺	銅絲
一紙壺	上海繡花用真		
鐵絲	燭臺	腳爐	銅磬
壁燈	挂燈	桌燈	旱
燭臺	油燈臺	各樣鉛錫器	天津火鍊
漢口油燈			

一磁器並各色玻璃料貨類

漢口花瓶 繡墊 磁鼓 博古器成桌 大小磁碟 果

盤 果碗 茶壺 茶碗 酒壺 套壺 酒碗 腳盤

茶盤 糖盤 水瓶 磁缸 古子 磁鍋 磁罍 春磬

筆海 花盆 磁形像 九江細磁花瓶 花盆 磁磬

把大碗 茶酒壺 茶酒盤 茶酒碗 秋紋藍花瓶

大小水瓶 帽筒 坐墊 九江粗磁茶葉罐 茶壺 粉

粧·唾盂 飯碗 盤子 燈臺 酒盅 羹匙 小水瓶

上海磁器茶壺 花盆 各粗細磁器 天津玻璃料貨

一切器具 煙臺玻璃料貨手鐲戒指等件 上海料器

帽花簪飾 煙袋嘴 酒盃 印色盒 玻璃鈕 品級帽
頂 福州料器挂燈 桌燈 酒盃 各應用器物 廣州
料器手鐲 畫鏡 手鏡 假珍珠 假珊瑚 品級帽頂
一中國所用升斗丈尺天平戥秤一切衡量之物類
各等尺 各等天平戥秤 各樣升斗斛 算盤
一玩物戲具毛刷類

北京天津木泥燒料洋鐵綢紙所做各玩物 各應用梭刷
毛刷 廣州象牙木刻中外各式碁子 漆飾嵌牙中外
式碁盤 福州石刻各樣碁子 泥碁子 各樣象牙牌具
象牙烏木七巧圖 骨紙木竹等牌

一文房應用之物摹刻印板照相畫幅書籍類

各色上品南紙 各色花箋 各樣封套 各樣紙張 各

色顏料 各等筆墨 通草紙片 木銅字印板 印板活

字 刻字刷印器具式樣 書畫家應用各件 廣東照相

各省口岸各處景致 各種書 名畫 童學所讀書

一絲竹金革樂器類

牛莊洋琴 拉琴 胡琴 天津笛鏡鈸 甯波鼓 福州

各樣金革絲竹等樂器 厦門簫 二絃 皮鼓 銅鑼

月琴 廣東八音琴 鼓 鑼

布帛衣裝部

一葛蔴竹綿等布絨線綢緞毯羊毛粗細各毯類

牛莊上海廈門廣州粗細蔴繩 蔴線 絲線 上海臺灣

麻布 廈門做口袋用蔴布 上海做衣服用細蔴布 牛

莊本機布 各色無花布 棉絨布 蔴花布 畫女鞋面

畫枕頂 布袋 各色線帶 棉線 棉線繩 漢口土

布並各色布疋 夏布 葛布 上海各色布疋 甯波汕

頭廣州土黃色布 廣州福州棉線絲帶 牛莊本地綢

各色絲綢 本色白色絹羅 各色絲線 煙臺繭綢 綢

綾 野蠶絲 欄杆 花線 漢口絹綢 鎮江綢緞 上

海綢緞花素各樣 各樣紗羅 花素棉綢 各樣白色巾

帕 縐帶 花洋錦 甯波綢錦 福州絲料綳 鎖線

綢緞 絲線 厦門綢緞 半絲棉布 廣州綢緞 絲線

東京絲 欄杆 絲帶 緯線 顧繡裁料 半絲棉裁

料 牛莊羊絨布 牛毛毯 天津毛毯 漢口白毯 甯

波毯 天津煙臺草帽綳

一衣履靴帽雨傘梳粧用具綾絹紙花翎毛翠羽首飾髮

髻簪冠類

上海全分朝衣 女蟒服 霞帔 朝裙 陀羅經被 夾

褲 褲帶 腰帶 玉帶 長襪 小襪 腳帶 襪帶

套褲 絨領 漢口竹衣 旱傘 厦門繡貨 廣東布衣

各樣公服便服綢衣 天津襪襪 煙臺綢緞耳帽 帽

牛莊各樣貓皮套褲 貓犬皮帽 天津煙臺草帽

毡帽 上海絳帽 各樣夾縐帽 夾紗帽 夾西紗帽

夾線緞帽 小毡帽 絨邊毡帽 各樣紅纓帽 金邊毡

帽 甯波草帽 竹帽 福州綢帽 廣東用煙臺帽耕成

作之草帽 綢帽 牛莊絨氈鞋 鑲氈鞋 絨面氈靴

絨面鞋 牛皮烏拉 木底草鞋 煙臺各樣草鞋 男女

綢緞布鞋
上海緞靴
釘靴
釘鞋
半織靴
皮釘鞋

木鞋 綢鞋 緞鑲鞋 各樣布鞋 福州草拖履 綢

絨布各鞋
厦門男女鞋
漢裝女鞋
汕頭布鞋
廣州

草鞋 布鞋 各樣綢緞鞋 女靴鞋 上海布傘外國式

廣州廈門甯波福州紙傘 廣州綢傘外國式 牛莊各樣梳

篦 刷則各具 上海鬚梳 牛角刷 眉刷 鬚梳 髮

梳 牛角鞋拔 福州廈門各樣角梳 北京上海綾絹紙

花 廣州翠羽 北京上海點翠金銀銅紙胎首飾等物

廣東雞鴨毛羽 福州首飾 牛莊廣州廈門假髮髻冠髮
等物

一金玉珠石文飾佩帶之物並各扇類

南北省細琢各樣玉器 各色寶石 廣東金銀文飾各物

牛莊蒲扇 油紙扇 漢口翠扇 上海各樣絹扇 紙扇

甯波紙扇 油扇 臺灣木葉扇 汕頭蓬州竹製紗扇

廣東羽毛扇 紙扇 絹扇 粗細葵扇

一行旅游獵之物隨帶軍械弓矢漁獵網罟類

上海漢口甯波福州所製樟木行箱 上海廣東硬木箱

上海廣東等處所製樟木箱 此等箱隻係尋常出口所用

每套大小五具計重一石每套約計價洋二十五元 旱路

皮行箱 廣州大小皮匣 軍械 南北省弓箭隨壺腰

刀 佩劍 小刀 外國式軍械天津上海南京機器局所

造者 網罟 中國最得用之器可入賽會外國亦可習用各漁具前於光緒六年德國都京以各漁具賽會

見有甯波所製極精妙得法之器

食物藥餌部

一可收貯各食物乾菜蔬果茶麵點心糖酒等類

醃臘魚 醃醬蔬菜 火腿臘肉 板鴨 醃蛋 松花

漢口磚茶 壓茶 臺灣汕頭糖 廣東冰糖 可作麵包

用之各樣麵 北京小餛飩 廣州各色糖菓 薑糖 各

品黃酒 紹興酒 燒酒 各色藥酒

一各色煙類

鼻煙 薰煙 水煙 旱煙 關東甘肅各地道煙

一葷素油猪羊胰染布帛顏料漆靛藥材糞田物類

豆油 茶油 桐油 棉油 芝麻油 花生油 菜油

南北各省所產之魚油以上各油每百觔其價自四元至十

元

醬油 常自廣州運赴印
度並歐羅巴各國

北京上海廣州各色胰皂

南北省藍靛 水靛 土靛 靛青 杭州嘉興所造綠膠

各色顏料 上海汕頭各樣漆 樹本草本及生物各藥

材 牛莊煙臺上田地用豆餅

耕織乘騎部

一開墾地畝耕種收割一應水旱田農器及碾磨灌田汲引

各物並織造布帛機杼紡具等類

各農器織具 凡過重大者可改小式以便入會 養蠶各

具 耕織圖說 治絲器具

一載運貨物人乘大小各式車及鞍轡乘駕各物類

人乘各樣車 運物各樣車 各隨車衣圍簾褥等件

騾馱轎 騾馱鞍駕 各式全分鞍轡 大小車鞍車套各物

一江湖河海大小各船並隨船蓬索錨練各物類

救生船式並隨船應用之物 以上車船重物俱做小式

寄居各外國華人需用部

一傢具布帛絲綢成衣金玉佩飾藥物類

一農器械具類

一各種書籍暨文房應用各類

以上應用一切物前皆詳列茲不復載

古董文玩陳設部

一新舊法藍洋磁並各舊磁古玩古銅器古今名畫油畫古錢類

北京廣東新製外國式法藍大小花瓶 大小盤 帶腳果

盤 果碗 燭臺 手巾籠 裁紙刀 鎮紙 花盤 煙

碟 硯水壺 筆筒 衣鈕 袖鈕 金銀銅各衣鈕

廣東福州甬波上海北京舊法藍花瓶等物 廣州福州甬

波上海所製之洋磁各器 北京天津上海古銅花瓶 古

銅形像 鑪瓶陳設 古銅盤碗 銅塔等物 各省舊磁

花瓶盤碗 鼻煙壺 舊磁各器皿 福州壽山石器物
天津蘇州虎邱所製各等服色泥人物 各省新舊名畫油
畫 中國古今歷代錢及鄰國各式錢

以上所開中國土產各物俱照前告白條款內選列蓋此街
奇公會乃本國大君主御敕保護欽定至開會之期各國陪
驗官員於公會堂按所排列各貨並所開部類次序每部分
定數員以便逐類分別考驗其應記好予賞獎最之則列左
第一凡物之極佳出衆者給予頭等讚辭嘉獎憑單

第二金獎牌

第三銀獎牌

第四銅獎牌

第五可獎照

以上金銀獎牌皆銅質或飾以金銀惟分別等第以便貨主自製

一驗定會中極精妙出類各物應予何等獎章俱按各部陪驗員考驗擬定之等次予獎

一各國送會貨物並各會主名姓次序皆由會務官擬定目錄

一凡入會者須先函致本國都城辦會大員公署以便與會中各官商準給照入會

一各賽會貨主將送會貨物價值聲明

一各貨主欲覓入會代辦者須為會內各官許可之人

一凡有關會務信件俱致本國都城辦會大員公署若條款內有未詳盡之處即來本駐華欽差公館內詢明可也

光緒八年二月二十三日

西歷一千八百八十二年四月初十日

華商赴荷國街奇會賽會章程 光緒八年

一向辦賽珍者係由總稅務司經理一經通飭各海關稅司同時並舉不難尅期備齊兼有告假在洋之稅司幫同料理現在荷國大會由兼使大臣綜理距華既遠而荷都又無駐

紫之員就近經理在華固不能不劃派委員數人採購物樣
在荷亦須於柏林使館中分派一二員往來照料兼須暫僱
洋人幫同收掌

一陳設各物僅由各海關道出示招商恐不足恃蓋前次巴
黎大會華商折本者頗有其人倘專恃商貨萬一各商裹足
屆期無人運貨來洋必致不成事體自應酌量官為採辦各
處之著名土產每種數件仍可隨時售去歸還官本倘有餘
利作補餘貨拍賣賤售之耗以及川資等項經費專派駐會
之員稽查登記統歸正項收付造報

一大會中房屋一類各國均擬建造數間此次為日已促赴

華僑工定造恐難如期完竣現擬就近繪圖飭令洋匠仿造
華式亭臺一二座既免匠工川資土木運費計不致十分昂
貴也

一向來辦會必須備陳出色物件數事會竣後即以貽贈其
國君此次自應撙節照辦竊念中國磁器為西人所心羨擬
派員赴江西定製三四五尺高大花瓶一二對蘇州定造小
快船一隻諸價作正開銷其各種房室與服之模樣及各種
出口之貨樣無可出售者只可留贈荷君以符歷次辦會之
成案

一此次官辦物件擬即遴派江海關道屬下幹練之員兼辦

應備物本經費即可就近由江海關道動放實用實銷案
造報

一在洋建造亭臺工費以及來往川資所需無多只需於出
使經費項下先行挪用俟官物售出以後再行歸款彙案造
報

一上海所派各員均係有差之員不必再給薪水除前赴他
處准其開支川資外事竣之後擬酌貼與金銀兩以免賠累
倘承辦之件赴賽出色者擇尤咨給外獎以示鼓勵

一京都之仿景泰瓷器粵東之鑄貨雕牙等件最為西人所
稱賞官為採辦亦須較多於別項土產惟由滬上委員往辦

頗多不便擬函託就地之穩練官紳代為購辦其款亦由江海關撥還彙報

一官辦物件只能每種各備少許略為點綴仍須招徠商人集貨赴賽方不淡薄應請總理衙門再行文各海關監督及海關道專派明練商務之員招勸商人選採洋人合用之貨赴會賽售惟發火及臭腐之物不得夾帶限於本年十月初旬辦齊將各貨細單知照江海關彙報總辦會務之出使大臣備核其貨或彙送上海或就近搭船俱按照歷次辦會成案報關運洋該商人或隨貨來洋或託人代售各聽其便除出進口免稅外其運費保費存棧租地看守等費例由該商

人自理而官為保護之

一此次係萬國賽珍會兼各大國屬地賽珍會本應以各國同類之物聚珍比賽以貨為綱以國為目今既與該國辦會大臣商定略變其例將中國貨物在會中另設一區不與他國混雜庶辦會之員易於稽查照顧而商辦之各貨亦可薈萃一處看守發售均為妥便

一此次中國提案允准辦物赴會原為敦睦邦交起見所用路費旅費等固宜格外節省然一切陳設亦不可過於儉嗇以免其比較優劣貽彼厚薄之譏務使豐儉得中事事歸於實際凡官辦之物一切華洋單據彙齊報明

一官商各物辦齊發運必在本年十月間不能再遲既無徑達荷國都城之公司船而由英法公司轉運則水路起卸為費不貲且易遲悞擬與該國管會大臣商酌屆時苟無該國船隻自滬徑運則或搭招商局船或搭漢布克之公司船徑送荷都以省周折其運費保費亦可臨時妥商合宜之價以免折閱俟隨時知照江海關辦理

華商赴荷國銜奇會增擬章程

光緒八年

一向辦大會由總稅務司綜理派委總辦幫辦監工執事各員甚多此次荷國大會既由柏林使館兼辦無事多員擬即酌委提調一員專司駐會綜核官辦之貨物收放銀兩一切

事宜幫辦數員專司在會繕譯語言照料物件收貨寄貨分司一切事宜所有各員應辦之事均由總理會務之出使大臣酌量派定或由該員等稟請示遵辦理俾事有專責而條理不紊

一向來西國大會倘有中國紳商願將家藏古玩書畫珍寶等物寄洋赴賽並不出售者所有水腳保險聞係官為給發此次應否照辦應請總理衙門查案核定行知各海關出示曉諭惟須聲明倘原物遭險損失只能照保險價值向公司索賠不得再索原物

一各商寄洋貨物無論自運或代人帶運均須預先稟請海

關轉報出使大臣約需陳設地步若干尺以便代為租定租價仍歸各商自給

一凡商人不願出洋但將貨物寄賽寄售者應令先期將貨物名色件數裝箱尺寸應需陳設地步尺寸報明各海關道轉咨出使大臣貨物起運後並將提貨總單先送來津以便預為代租地步派員經理租價仍由該商自給事竣後倘有餘貨或願寄回或願拍賣均須附報聲明俾便結算交代

一向來辦會由各口稅務司給發出口憑單此次荷國大會不由總稅司綜理然貨物出口仍不能不由各關稅司給憑應請總理衙門通行各海關凡有呈報赴會貨物者由各海

關監督隨時照會稅司給憑驗放一面咨明出使大臣查照
一本屆赴會之物倘由招商局船專送則商人寄貨亦可交
由招商局代運赴荷所有荷都驗收貨物即歸提調幫辦等
員承辦

一凡商人有願赴會設肆售貨者亦應先期報明應需廊廡
之房屋或庭院之柵舍若干間或須代賃器具等件其一切
賃租應由該商人自給惟應在海關道衙門呈驗提貨准單
俾免租定退悔徒費周折

一向來赴會物件箱面必有一定記識聞前屆巴黎大會係
畫龍旗於箱面僅以墨筆鈎畫遠望不甚明晰現擬用雄黃

牋紙刷印封條上繪龍形並列明

大清國運赴大荷國街奇會物件箱華洋兩文字樣條式另
附應請總理衙門分行各海關照辦俾赴會各貨箱面均有
記號不致舛錯

美國散魯伊斯博覽會章程 光緒二十七年

美國茲因置買魯意薩納之地擬於一千九百三年舉行各
國工藝賽會以伸慶賀所有賽會章程經議院議定並於一
千九百一年三月三號經總統批准此會定在美國米里
省森特魯意城舉行於一千九百三年四月三十號開辦是
年十二月一號停止

此會須照議院所定第九款條例知照各國其條照錄如左
議院條例第九款

承辦賽會各員一俟將會中應用房屋地基置備妥協稟請
舉行即由總統將此會舉行之意及開辦日期出示曉諭並
將議院條例暨會員所定章程錄送各國公使請其轉請本
國派員赴會

會員所定賽會章程

一凡辦理赴會事宜應投文信各件均遞交該會總辦查收
二凡有請在會場中定留地段起造房屋者須於西曆一千
九百二年七月一號以前在該公司呈報

三凡有請在會場中定留地段陳設貨物者須按下開日期呈報 凡請留地段陳設機器及各項工藝器具等為賽會者須於西歷一千九百三年十月一號呈報若非專為賽會須於是年十一月一號呈報 凡請留地段陳設各項製造貨物及各類土產者須於一千九百二年十二月一號呈報 四凡於會場中有所專請者須於是年十二月一號呈報惟應遵各呈本會定有專式凡有投遞者均按式錄寫以歸畫一

五凡在會場中各國陳貨應用地段本會不取分文如各國攜貨赴會派有委員者應用地段即由該委員等互商分定

六此會停止以前入賽各貨一概不准撤出惟自停止之日起至一千九百四年正月一號止入賽各貨須於限內全行撤出

七外國赴會各貨進口時准照戶部所定章程免納關稅
八凡承辦此會各員倘有增定章程俾使該會便於舉行兼使赴會貨主有所裨益者應由會場隨時刊刻宣示

美國戶部大臣傳單

美國所擬在魯意薩納地方舉行各國工藝製造農礦林海各產賽會為置買該地百年大賀於西歷一千九百一年三月三號經總統批示准行並將所擬條例第十及第二十二

兩款傳知各稅關及該管人員一體遵辦

戶部條例第十款

凡外國赴會各貨應行納稅者今准按照戶部大臣所定章程此等貨物進口一切應收稅餉及各項雜費概行豁免惟戶部大臣因保全進口貨稅特訂章程凡此等貨物准在賽場隨時售賣該貨一經賣出或撤出賽場仍攜美國銷售者須照進口稅章該貨應如何抽稅之處照例完納如私行撤貨或偷賣等情一經查出亦應罰懲

戶部條例第二十二款

凡各國人民攜貨來魯意薩納地方赴會者美國官府允准

專利字樣以及註冊之商號票牌等項均不得冒用

戶部所定賽會章程

一凡赴會各貨不必用各本國旗號只由承運該貨之人於貨包面上粘貼寬八寸長一尺之票上書魯意薩納賽會黑字惟字迹須清楚各貨包上亦須註明下開字樣

米叟里省森特魯意城稅關某人驗過

特赴魯意薩納地方賽會

初到美國口岸代收該貨之人姓名

貨之上船號頭標記

攜貨入會之人姓名住址

二赴會各貨應帶貨單二紙載明入會人之姓名貨色之標記數目內裝何物並各該貨在原產處之價值貨單由入會之人簽押即有錯誤亦不得再行更正該單二紙一寄交森特魯意城稅關驗貨人員收執一交該貨初至之口岸代收該貨之人收執

三赴會各貨一抵初至之口岸即交保運公司代運所有進口起卸以及運往森特魯意城暨經過稅關等事統交該人承辦以歸捷便

四此項保運公司字號由初至之口岸稅關管稅人員開明其已經估價及未經估價之貨均可由公司承運惟此項赴

會之貨在原進之口岸免其察驗估價

五承運此項貨物之人須於該貨初到口岸時將貨價單起貨單以及報關二連單投遞海關並按照戶部特定章程將原貨主承運人之姓名運該貨口之船名以及貨色數目記號內裝何貨暨原產之價值一一詳註具報單內亦須註明該貨由某路前往會場由承運該貨之人簽押惟數次應起之貨不准一齊進關者現定通融辦法每承運一次赴會之貨可一齊進關該貨由承運之人交森特魯意城稅關彼時無須估稅倘有舛錯保運公司應認罰貨價銀兩倍

六由海關管稅人員發給准單註明魯意薩納賽會字樣准

其下船裝入保運火車運往該處

七准單由承運該貨之人投交載該貨入口之船上察貨之人後由此人派官車夫拉運俟經海關人員驗過後再交轉運公司

八由承運該貨之人開具艙口總貨二連單二分一分交火車上管載該貨之人攜帶一分寄交森特魯意城海關驗貨人收存一俟裝載該貨火車到該處時即由該管車人或鐵路公司承辦之人將單呈繳該處海關所派承辦此事人員再由該員將此單與寄來之單核對無訛監看開車卸貨按照單內包數記號逐一點清

九凡鄰國運來赴會各貨應遵照此例辦理故由加拿達及墨西哥火車運來各貨除牲口外凡指明赴會蓋有領事印信者應由外國運貨之人代交森特魯意海關驗貨人員十會場中設有擔保棧房及院落所有在內存放之貨均歸海關人員看管如該貨係專為赴會者亦應一律擔保惟入森特魯意城時勿庸呈交報單惟須照擔保存棧章程歸海關人員看管

十一按照議院所定魯意薩納賽會條例當開賽期內准其售賣惟已賣之貨須待該會竣事後方准撤出會中官員因掌理警務有保護該會之責故定此從嚴辦法一俟驗貨人

員已收賽過貨物稅餉後即與海關無干惟出口退還稅餉時仍須關員察驗

十二該會竣事後凡貨物欲運出口者須擔保運至離海最近之口岸由該處即刺出口

十三凡進口赴會之貨如多過應入賽會者所餘之貨應暫存棧房惟在未抽稅或未出口以前均由運該貨進口之人交存棧費此等存棧之貨如係專為赴會場者撤出時應照初進第一海口章程免其納稅此等貨物在會場須歸海關人員看管其進口之貨多過應入會之數如在棧房暫存者一俟交過稅餉等費後無論何時均可撤出售賣已輸稅之

貨一俟運到口岸即准出口如交過之稅在值百抽一以下即每包應交五十元者收過之餉應即退還所有撤回出口之貨例不交稅者亦勿庸估價

十四凡演戲所用各物係供一時之用今援照西歷一千八百九十七年七月二十四號所定稅則第六百九節之例進口時免其納稅惟須出具妥實甘結准於六箇月內仍復出口具結存案以備查核

十五凡進口赴會之貨運費皆由貨主自出如有定立合同或該欠賬目或貨有損失等事均與美國無涉

十六所有遵照一千九百一年三月三號批准之例進口貨

應用總單貨價單准單以及報關單等件均應按次分遞蓋用魯意薩納賽會字樣戳記

十七會完之日撤出各貨或在美國銷售或復行出口一節應如何辦理之處須另定新章

十八章程內載優例既為赴會之人轉運便捷起見進口時應極力設法嚴禁稅關騷擾耽延等弊

十九運貨之人如有藉此影射夾帶有意偷漏一經查出即照例分別科罰監禁以及將貨充公之罪

牲口進口章程

一照前章所載式樣開具總貨單呈交稅關

二運牲口進口除交價值單之外應將每隻箇頭大小及毛皮何色開明交驗貨人員收存以備他日會完之日牲口撤出時或仍行出口或在美國售賣再行查核

三此等牲口進口一經管稅人員於該貨抵口時已將准單面交運貨之人則載該貨之船無須在口停留准其徑行進口以免耽延

四此項牲口美國不管看守惟在口岸既交代運人手後即由管稅人員監察

五此項牲口至會場時應如何安置之處應由管理該會官員及海關驗貨人員斟酌辦理

六進口赴會牲口在該會竣事後及撤出會場時出具甘結
准照本章第十二第十三兩條或在美國銷售或復行出口
惟擬撤出拍賣之貨除去應交稅餉及各項雜費之數外賣
價由貨主定奪

七凡牲口如牛羊猪之類除應行察驗有無傳染病症外進
口時皆應遵照農部章程辦理其由加拏達進口前項牲口
向應在未進口前等候一禮拜之久察驗無傳染病症者此
次執照內如未經載明應行察驗字樣者均免其察驗惟在
該會竣事後或在美國銷售或存留美國均應在未撤出會
場以前查驗

八凡由加拿達載運牲口前赴該會者須持有本地獸醫發給執照載明本地去年並無傳染之症且所運牲口亦無染病等情俟抵美國時應將牲口數目由何處進口以及由某鐵路運往魯意薩納城各節呈明農部大臣

九再由農部大臣查核呈內所開各節如果均屬妥協即發給准單准其進口前赴魯意薩納賽會倘果能照章實力奉行亦可免其等候九十日查驗

十牲口運進美國須用乾淨不生傳染病之火車裝載由車站承辦之人發給該車執照載明該車已遵照美國農部所定章程將該車打掃乾淨不致有傳染之虞

十一由加拏達運進美國前赴魯意薩納賽會之牲口在火車上須按時喂飲置放之處亦寬敞可以歇息在未抵會場以前不准起卸

十二凡遵照本章運牲口進口於到口岸時在特派驗病處等候查驗如驗明實係無病者由驗看人員將准單簽押方准其前往森特魯意城俟到該處時再行復驗

十三凡遵照一千九百年五月二十五號批准之諭運野禽野獸進口前赴魯意薩納賽會者應按照是年六月二十八號農部所定章程辦理

美國工商部改定華人來美賽會章程

光緒二十九年

改定第四十四條

凡美國議院議准開辦賽會如華人按照議院一千九百零二年四月二十九號定立限禁華人來美條例第三款來美須遵此次章程改定以下各款辦理所派管理華人入境之官亦應一律實力奉行此條係將一千九百零三年正月七號戶部所定章程更改前章自應作廢茲將改訂章程各款開列如左

第一款

凡華人來美賽會須向委派管理華人入境之官呈驗憑據指明確係承辦賽會之人或係承辦賽會人所僱用之人

第二款

凡華人來美賽會須將本人照片三分呈交管理華人入口之官酌量查驗以期相符

第三款

凡華人來美前赴各處賽會一經允准入境須直赴賽場不應另到他處亦不應另作他業該華人等須於賽會收場三十日內即由原來入美之口附搭首次開行輪船或回中國或回該華人所居之國華商不必照此款辦理

第四款

凡華人來美賽會須向美國該管之官且立美洋五百圓保

結並有可靠鋪店保其直赴賽場常川充當工業以及按章返國此款指華工而言

第五款

凡華商來美賽會應由中國官員發給執照並經出口處美國公使或領事官簽名此章程之第四第九第十各款均與此項華商來美無涉

此款新增

第六款

凡華人按章允准來美賽會管理華人入境之官須將來美之華人各情節開列照錄兩分一分存入口之處一分送交工商部管理外人入境司收存

華商不必照此款辦理

開列情節款式如左

工商部管理外人入境司第 號存根 何名 何處人

賽會某人僱用 本人照片粘貼於上

某口管理華人入境官員發給執照式

共兩分第二分送交外人入境司收存

為發給執照事照得

係

處人由承辦

處賽會

之人

按照議院一千九百零二年四月二十九號定例

僱用來美在會場作工為此發給執照作據

管理華民入境官員

官銜

人簽名

年 月 日發

第七款

凡華人按照定章允准來美賽會美國應派委員駐紮會場
查考嗣後若未再將章程更改須即按照下所開程式開報
兩分存案所派之員亦須隨時查察會場華人是否遵章辦
理華商不必照此款辦理

查察委員開報式

應備兩分第一分收留存案第
二分送交外人入境司轉辦

傭工之人何名 傭工之人是男是女 年歲若干 來美
賽會為某承辦之人僱用 在賽會充何事業 每日作
業鐘數若干自某點鐘起至某點鐘止 何日到會場 何
日應由會場回國 傭工本人簽名 查察委員簽名 照
片粘貼於上

第八款

第二款所指之照片三分管理華人入境之官應將一分送交第七款所稱之查察會場委員粘於所開報單之上以憑考察

第九款

凡來美賽會華人如欲暫離會場必須向第七款所稱之查察委員領票開明姓氏時日各證據並聲明須於四十八點鐘以內即回會場並將領票註銷

此款指華工而言原定十二點鐘以內現改四十八點鐘

第十款

凡華人領票暫離會場若不按期即回應按照不准寓居美國之例辦理所有具保款項固須充公而本人亦須遞解回國所發憑票委員應將此事知照管理外人入境司總辦除將充公款項移送外並將該華人照例遞解回國

此款指華工而言

第十一款

賽會收場三十日後管理華人入口各官須將入口華人總數具報管理外人入境司總辦並將華人姓氏各節逐一開明以便查考華人果否按章回國

一千九百三年七月十五日工商部大臣葛帖由

美國散魯伊斯會總巴禮德遞呈北洋賽會節略

光緒二十八年

一西一千九百零四年五月至十二月在美國散魯伊斯大
城設立一極大萬國賽會係由美國政府照顧該會按土語
名為散魯伊斯博覽會正名稱為魯西亞納百年會係記念
美國在一千八百零三年由法人置得此段大地

二此係由美立國以來極重大之事並為襄助美國由此振
興是以美政府與人民同定議作為天下極大之會較一千
九百年法國巴黎賽會與一千八百九十三年美國西嘎勾
賽會尤為廣大至開會時所用經費總須四十餘兆之銀佔
用地段須六千餘畝為賽會所造之房天下向無此高大華
美

三此會欲作一公共會場特請萬國赴會大半已允前往所運送賽物欲較往年增多即如東洋日本已允出二百萬銀備辦賽物其歐羅巴南亞美理駕諸國願出金銀十萬至三百萬不等美國政府為備辦賽物預備約華銀一千萬兩別國政府如欲在會所自建房間可以撥給足用地段

四因欲中國商務得益嗣後

國家進款加增俾商務振興中美邦交堅固是以美政府甚望中國預撥的款按大邦體統在博覽會中修建中國房屋屆時派一大員代政府前往成就此會即本總辦所擬之意請貴宮保於所轄地方特囑商工人等預備上等賽物或由海

關運赴會所押設別法運往所有一切賽物送至美國口岸
必無禁阻本總理已經

覲見

皇太后

大皇帝並與在京中堂各大人均已商妥望

貴宮保亦行盡力相助

法國越南河內賽奇會章程 光緒二十八年

第一段陳設考古學 上等工藝學藝 教授各等物

一考究古碑古物人類教務各物

二繪畫雕刻建造各物

三刻板石印印字照相書籍各物

四樂器戲具

五地圖畫圖具

六治理屬地及常人理財務

七醫學醫學外科衛生保生各事

第二段陳設種植商務手藝鑛物鍛鍊各物

八農務材料

九種植藝

十農產食物製造食物

十一釀酒法

十二蠶桑養魚珠蚌各物

十三樹木

十四種花陳設花草各物

十五棹椅彩飾烘煖換氣各具

十六陶器料器玻璃

十七棉線絲衣服

十八毛皮皮板皮貨

十九香料玩物

二十金銀器首飾鐘表刀剪各物

二十一化學材料藥物

二十二製造紙張

二十三礦產石礦

二十四鍛鍊各物

第三段陳設建造工程機器電氣運載各物

二十五營造材料

二十六工程圖式

二十七汽機各種機器

二十八各種機器傢具

二十九電氣具

三十電氣製造器具

三十一各種用電法

三十二鐵路火車

三十三行船各物

三十四氣學各物

比國黎業斯賽奇會章程

光緒二十九年

第一款

現定於西歷一千九百零五年在比國里志地方設立萬國
賽奇會至少擬設半年之久會中分設美術藝學工業商務
藩屬各院

美術院內陳設精工所作之物並擬里志地方上古精工所

作者一併陳設於內再博物院並私家所存之最古之物亦陳設於內如此則此院足稱美觀矣復擬將比國上古精工所作最奇之石刻古蹟用照相法照出懸於該院之內藩屬院內設列康鈞國所出之物比皇甚重此院故規模宏大將來會中亦以此院為重以副比皇之意

此會並擬設農田園圃所產之物以相比賽

再總理立會各員擬特擇地基建設古里志地方將卑沙浦王城之石刻古蹟並精工雕刻之物陳列於內

第二款

此會建於莫斯並克爾斯兩河之旁並有花園一處名曰克

音特建於里志城外園中青山環繞該城風景俱甚佳妙
設會之處距花園一千五百邁當來往有馬車火車可通
會場廣約四十五亥克特爾於場中擇定緊要數處以備他
國之用若乘坐開德拜魯志或比國國家火車均可直抵場內
場中堂殿用鐵建築房頂約十萬方邁當之大材料均用極堅
固者

機器廠內設立各種工藝局赴會觀覽者均可目覩一切工
作

會場週圍造成花園以便遊覽

第三款

凡會中所陳新創之物可享專利者並工藝之新法新器以及商家各製造廠之各國記均由會中設法保護

凡比國土產比國政府准其免納運費由國家鐵路運載入會其外國之貨則只於運回時免納運費

會場內所賽各物均視作未曾納稅之貨其外國貨物之入賽者進口時免其納稅惟須於此會停止後復運出口

第四款

本會現已派定秉權董事數人擬議大概章程酌定入賽條規並將入賽之物先按物類條分然後再按國分列

凡在會場陳貨應用地段本會酌取租費所有修飾房屋維

用夫役布置一切均由本會辦理決不另索費用如此則入賽者即可預知應用若干款項

會竣時所頒獎賜之物均於會場內購買並請政府派員監視散發

第五款

里志地方工作最盛故本會講求金石礦質電學以及製造機器軍火各學均可甲於羣會

城內之各公司現皆預備一切賽會事宜各大鄰國之與比國通商者皆允入賽計西歷一千九百零一年比國與各國通商所進之款約七千兆佛郎得之於德國一千四百二十

一兆二十萬零四千三百六十二佛郎得之於法國者一千二百二十四兆九十九萬二千七百六十三佛郎得之於英國者一千零六十八兆十六萬零二百一十七佛郎得之於荷蘭者六百三十五兆七十萬零五千四百九十五佛郎得之美國者五百八十九兆三十四萬四千九百九十一佛郎

第六款

凡惠臨里志者如喜考查工業情形本會秉權董事可設法助其前往城中各大鍊礦局及煤礦局查視無阻

沿莫斯河及其各支流極多風景佳麗之處自本城前往最為相宜

欲往國中各大城游觀者自本城乘坐火車皆只用數小時
便可行抵最宜游覽之城四一本國都城二安時未耳普三
尖特四布呂格司國家鐵路出售一種環遊車票極便循行
願游以上各城者宜購此種票

第七款

本會雖為同人籌款私開願蒙本國政府暨本城官憲維持
襄助

本會之開一以落城中各大工之成一以振我國之聲望匪
為圖利起見

比國黎業斯城賽奇會條例 光緒二十九年

會商須知十二條

一總會場建於比國黎業斯城烏爾戎及莫斯兩河匯流處之維恩地方面積約廣三十亥克帶爾每亥克帶爾合三萬二千方登達尺與比國北境鐵路及國家鐵路通聯以便游人乘坐火車直抵場內

一現擇於光緒三十一年三月開會至少六箇月之久倘游覽者衆再可寬展一二月中國各商一定赴會主見宜即速詣該管關道衙門報明本商夥商名數於光緒三十年三月初截止俾會員預為佔定基地各商出洋亦宜從早預期到會布置一切免得臨時局促

一物件裝箱必須預先詳造貨本清冊按箱編號到會場後即憑冊日報關每商祇開驗一二箱倘貨冊不符必致箱箱開驗失時誤事

一貨物裝箱後計箱若干應在出口地方先行呈報本國入會官員每箱請給會場封條一紙粘貼箱面載運到此即可直達會場無須在海口存棧報關致多費用

一貨物之入賽者應按比國國家鐵路章程運回時准其免納運費惟入會時照章交費其比國商家鐵路暨別國鐵路各處定有准期之行船公司將來均擬商請減收運費

一中國精美馳名之品如北京景泰藍雕漆江西磁器江浙

絨緞帕帶北京平金蘇廣彩繡廣東雕牙嵌鈿福建髹漆什物石叟銅器皆可入賽

一入會貨物雖由各商自辦然亦宜知梗概即如裘帛為衣被蒼生要需北商販皮貨除羔皮不合外宜帶整隻貂狐黃獺灰鼠銀鼠南商販綢緞除甯綢湖縐不合外宜帶散花摹本緞閃緞顏色固以華麗為佳尤以元青為通用總之貴者少置廉者多備進本既輕獲利自厚

一赴會商家能各帶通曉法語繙譯一人最為利便否則數家必須公帶一人而參用英文繙譯華夥言語不通一經隔膜受虧實甚到會場後總須添用專充賣夥之比國人男女

均有取保受僱甚為穩妥工資並不昂也

一會場但有大廈各租地段須由各商自行開隔成室扁直之件宜於幃蔽層疊之件宜於擺列倘有屏幔櫥架之屬靈巧易於裝折精緻可以出售者宜各酌帶

一凡會中陳銜新創之物堪在此國得領專利文憑者以及工藝圖樣製造家或商家圖記均由此國政府設法保護

一會場實與貨棧無異中國土產擬在會中陳設者如能按照此國國家所定章程會畢仍行運回則當其入境時准免進口稅

一諸商人會銷售貨物果能置辦得宜非特獲利且蒙此國

國家獎賞四遠馳名

謹按此項條例係出使比國大臣楊擬定咨呈商部轉行
各省曉諭商民遵照辦理

日本大坂博覽會觀覽章程 光緒二十九年

一本會自明治三十六年陽曆三月初一日開辦至七月三
十一日止

一每日自上午八點鐘起至下午五點鐘止任人觀覽但有
時或定奪遲速或停止觀覽

一各館定於上午八點鐘開門下午六點鐘閉鎖

一觀覽券每票定為日貨五錢 即五分

一觀客一人應購觀覽券一張惟禮拜日及國家大祭節日須購券二張幼孩未滿五歲者免

一觀客進館當將券呈示門監出時交還

一觀客不得攜提行李或牲畜進館惟杖傘包裹長厚一尺以內者不在此例

一癡狂醉亂及有害風教之人不准入館

一各館內以及其傍近一帶禁止吃煙

一毀壞房屋樹石以及拋磚擲石均在禁例

一觀客非經看字者應允不得伸手觸物

一陳設各貨均得訂約買賣惟在開會日期中不得搬運出

外

一非經貨主並事務局允從不得模繪陳設各貨或撮照像
一願將館內光景撰寫或照影應稟請事務局允可

附美術館觀覽章程

一美術館非穿皮鞋及草履不得進館

一美術館不得攜提行李或傘杖等物入館

一美術館各貨非經貨主及事務局允許不得模繪照影

華商赴日本大阪賽會章程 光緒二十九年

一各海關監督遴派明練商務之員招勸商人選採洋人合
用之貨赴會賽售惟發火之物及腐臭之物不得夾帶限於

月 日辦齊將各貨細單知照海關彙報綜辦會務之員其貨彙送上海由招商局派船運送出洋該商人或隨貨前往或託人代售各聽其便除進出口免稅外其運費保險費存棧租地看守等費例由該商自理而官為保護

一向來西國大會倘有中國紳商將家藏古玩書畫珍寶等物寄洋赴賽並不出售者所有水腳保險由官發給此次應否照辦應請咨呈外務部查案核定行知各海關出示曉諭惟須聲明倘原物遭險損失只能照保險價值向公司索償不得返索原物

一各商寄洋貨物無論自運或代人帶運均須預先稟請海

關轉報出使大臣約需陳設地步若干尺以便代為租定租價仍歸各商自給

一凡商人不願出洋但將貨物寄賽寄售者應令先期將貨物名色件數裝箱尺寸應需陳設地步派員經理租價仍由該商自給事竣後倘有餘貨或願寄回或願拍賣均須附報聲明俾可結算交代

一應請外務部通行各海關凡有呈報赴會貨物由各海關監督照會稅務司給憑驗放一面咨明出使大臣查照

一本屆商人赴會貨物即派招商局船專送到日本後再由出使大臣添派委員會同承辦之員妥慎經理其船價或減

半或全免再行酌定

一凡商人有願赴會設肆售貨者亦應先期報明應需廡廡房屋庭院棚舍若干間或須代賃器具等件一切租賃之費應由商人自給惟應在海關道衙門呈驗提貨准單俾免租定返悔多費周折

一凡赴會物件箱面必得有一定記識擬於封條上繪畫龍形書明

大清國運赴日本賽會物件並須照譯英文於上以免舛錯
一中國商人能將得該會獎牌者本省督撫給予功牌匾額以資獎勵

一向來辦會必須備陳出色物件數事會竣後即贈於國君
此次或由官為採辦數種或俟會竣後購買商人餘剩之物
數種以贈日本以符歷次辦會之成案

謹案右章程十條係北洋洋務局詳定

中國茶磁賽會公司章程 光緒二十九年

一本公司專以茶磁為主兩項均選股本重多熟悉情形明
於製造者為之董理所有布置及用人一切事宜皆由董理
人作主將來轉運出洋賽會得勝則重議酬勞倘有色味不
佳質料不純等弊難於銷售則當在董理人股本項下銀兩
酌扣賠償以專責任

一本公司茶磁既分兩路當擇地分設製場茶以安徽之祁門為最則製茶廠設於祁門磁以江西之景鎮為佳則製磁廠設於景鎮相維相繫不蔓不支所有兩廠如何明定章程布置一切必須因地制宜隨時商定

一本公司同志內有明於製茶者另有製茶說帖明於製磁者亦另有製磁說畧均非冒昧從事容緩必刊佈報章傳播海內高明

一本公司專為開通風氣起見同志者當自矢克勤克儉顧本惜資如有良工精於製造則當厚給工資並許暢銷之後優予利益以示鼓勵

一本公司志在擴充不得不另行招股凡入股者每股京足銀一百兩均須交齊實數然後給發收條招股限於癸卯年六月為止屆期所有入股若干人某人若干票本公司當造冊具報通商大臣立案

一本公司同志均先行自籌鉅款以為始基將來貨物齊備即隨帶貨物附

欽差賽會大臣出洋比賽藉以考求工藝開拓見聞以期熟悉該處情形即可永遠通行源源相繼以賽會發其端並不以會畢而竟其緒

一本公司俟集股東多仍當選擇精通外國言語文字者出

洋察看各國民情好尚以茶磁為主不在茶磁為限在在考求處處訪凡中國土產見重於外洋者必如何製造乃為精巧如何裝飾乃可暢銷隨時詳告公司本公司視力所能及即推廣之並可勸導農商照辦

一本公司貨齊之日某項以某為最精某事以某為得力以及司事用人若干薪水若干資本若干貨數若干均當分門立表呈報商務大臣核閱而後佈散各股東察看

一本公司赴賽畢事之後承辦諸同志所有股本銀兩固已議不分散以期固勢利導逐漸擴充其餘各散股東未可強以從同所有均分本利之法皆照股東章程原議辦理

一本公司賽畢回華後應由董理人將各種貨物銷售利鈍之故及試驗外洋一切製造之法皆刊登報章廣告海內俾有志者有所憑藉不至畏難如有日記論說亦當呈報商務大臣察閱

招商局輪船裝運賽會人貨減收水腳章程光緒二十九年一外洋各國舉行賽會中國

國家或商民如裝運貨物赴賽由江海各口轉運至上海者招商局自當視同客貨一律承裝應收水腳按照客貨所收之數以八折核收倘有護送賽物之人其水腳亦按八折收取惟每次貨物即多至百件亦不得逾十人

一凡赴賽之物裝招商局輪船應減收水腳者必須以裝載口岸之海關免稅單為憑若指稱官商賽物而並無海關免稅憑單者招商局不將水腳減收

一各省官紳如持有賽會之國請東赴會乘招商局輪船者倘該賽會國經辦會務之董事未與招商局訂議在先招商局不以此項請東為憑而減收水腳

一招商局並無常川來往日本朝鮮越南呂宋暨歐美等各國口岸之船是以招商局祇能承認將官商赴賽之物由沿江沿海各口岸運至上海其由上海轉口出洋一切裝運等事均須由官商自理招商局不能代辦

一如外洋各國賽會之時中國

國家有大宗賽物運往賽會之處或

國家

特派大員前往觀賽須令招商局遣派專船運送者所有船費暨
煤餉薪工火食等項應准招商局按照用船日期實報實
銷俾於報効之中仍寓體卹商人之意

約章成案匯覽乙篇卷四十二下目錄

成案

賽會門

外務部奏請派美國散魯伊斯賽會監督摺

光緒二十八年

戶部奏籌撥美國散魯伊斯賽會經費摺

光緒二十九年

外務部奏請派赴日本大阪舉行賽會人員摺

光緒二十八年

外務部奏請派赴比國黎業斯城賽會人員摺

光緒三十年

總署咨英屬奧大利亞賽會請飭華商赴會文

光緒五年

總署咨英國倫敦賽會已飭稅司赴會文

光緒八年

總署咨和國都城街奇會請飭華商赴會文

光緒七年

總署咨德國伯林捕魚會已飭稅司赴會文

光緒五年

總署咨德國韓卜城牲畜賽奇會請飭曉諭文

光緒九年

美國賽會監督溥咨各省賽會貨物須先呈報文

光緒二十九年

外務部咨美國賽會章程改易數款請飭通行曉諭文

光緒

二十九年

外務部咨美國散魯伊斯萬國馬路會希派員前往文

光緒

三十年

外務部咨美國散魯伊斯萬國學堂會希派員前往文

光緒

三十年

出使美日秘大臣梁咨送美戶部定立華人赴會章程文

光緒

二十九年

出使美日和大臣梁咨送華人赴會美工商部改定章程文

光緒二十九年
附照會

南洋大臣魏咨美國賽會應請擇地建造房屋文

光緒二十九年

商部咨比國在黎業斯賽會轉飭紳商知照文

光緒二十九年

商部咨比國黎業斯賽會經擬會商須知條例請轉諭商民文

光緒二十九年

外務部照會鄂省備物赴黎業斯賽會希轉知酌留地段文

光緒三十年

外務部咨法國在河內賽會請飭華商赴會文

光緒二十八年

外務部咨法國舉行東瀛博學會請派員赴會文

光緒三十年

外務部咨北洋洋務局所擬工商赴日本賽會章程分別准駁

飭遵文

光緒二十九年

外務部咨賽會貨物須有海關監督執照方准免稅文

光緒二十九年

內閣中書康達呈請代奏設立茶磁賽會公司稟

光緒二十九年

招商局呈輪船裝載賽會人貨減收水脚稟

光緒二十九年

約章成案匯覽乙篇卷四十二下

成案

賽會門

外務部奏請派美國散魯伊斯賽會監督摺

光緒二十八年

奏為美國散魯伊斯城舉行賽會請

旨簡派正監督屆時前往暨由臣部酌派副監督先期布置赴會

事宜恭摺仰祈

聖鑒事竊查美國將於西歷一千九百零四年即中國光緒三十年在散魯伊斯城開設美國博覽會此會因記念美國興法人購得魯西亞那地方已及百年設會慶賀係美國立國以

來極為重大之事六月間其總理會務大臣巴禮德前來中國敦請赴會到京後與_臣等會晤籲懇

覲見經_臣部奏明奉

旨允准當於六月二十二日由_臣等會同美國使臣康格帶領入覲並蒙

答敕允准簡派大員往襄盛會欽遵在案_臣等伏查泰西崇尚工商賽會之設在羅致各國物產工藝區分類別排列會場俾各國之人咸得較其精良用資模仿實於通商之中隱寓勸工之意聞美國此次散魯伊斯賽會其國家撥給該會鉅款以贊其成各國均特派大員赴會蓋因此舉與交涉邦交顯

有關係而於商務尤為有益中國物產甲於全球徒以工藝未興商情渙散比諸各國實有不逮現當整飭庶政之時適美國有此大會亟應加意講求期於工商諸務有所裨益曾詢美國使臣康格各國派往員數大率用正副監督三人者居多臣等公同商酌所有正監督一員應請

特旨簡派此後一切赴會事宜統歸該員主持仍俟開會屆期再行前往至應派副監督查有候選道黃開甲才具幹練熟悉商情東海關稅務司美國人柯爾樂精細妥實在華多年均堪派充隨同正監督辦理該副監督等應令先行前往將度地建屋陳設貨物各事宜預為經營布置其赴會一切用款

所費不貲亟應籌備以資撥用臣等查出使經費一款從前借撥過多近年出入相抵已覺支絀竊難再撥賽會經費惟賽會一事內可維持商務外可聯絡邦交雖當庫藏奇絀之時不得不勉為其難力顧大局應請

飭下南北洋通商大臣及有商務省分各督撫迅即妥為籌款奏明辦理一面解交該監督等應用以重會務並由南北洋大臣各省督撫出示勸諭工商人等或挾貲前往專事考求或辦貨同行兼圖貿易悉由該監督等妥為照料以仰體

朝廷鼓勵工商之至意所有請

旨簡派正監督暨由臣等酌派副監督前赴美國賽會並飭籌備

經費各緣由理合恭摺具陳伏乞

皇太后

皇上聖鑒訓示謹

奏 光緒二十八年十二月初七日奉

硃批著派溥倫為正監督餘依議欽此

戶部奏籌撥美國散魯伊斯賽會經費摺

光緒二十九年

奏為遵

旨速議具

奏恭摺仰祈

聖鑒事光緒二十九年二月二十二日軍機大臣面奉

論旨溥倫奏賽會經費請飭部先行籌墊的款一摺著戶部速議具奏欽此欽遵由軍機處片交到部據原奏內稱據外務部咨具奏美國賽會請

飭各省妥籌經費一摺奉

旨依議欽此欽遵抄交等因奴才伏思此次賽會據副監督四品卿銜候選道黃開甲東海關稅務司柯爾樂將賽會一切用款逐加核算以現在鎊價計之約共需銀七十五萬兩又據該副監督等聲稱本年三月間即須前赴美國克期興辦庶無貽誤請於放洋前先行發給俾可購定鎊金免致折耗奴才籌思再四此項經費前經外務部奏請

飭下各省分籌現尚未據報解請

飭戶部迅籌的款先行墊撥七十五萬兩以濟要需至如何分籌歸還之處由戶部酌核奏明辦理等語_臣等伏查此項美國賽會經費本應由南北洋通商大臣及有商務各省遵照奏案及早籌款解交該監督應用乃現在副監督啟程在即而各省所籌經費銀兩尚未解到自非暫由_臣部代為籌墊不可惟該監督所需經費銀至於七十五萬兩之多_臣部是難全行墊給擬請先由江海關彙存浙江等七處釐金經費餘銀項下提撥銀四十五萬交該監督領用以濟目前之急其南北洋通商大臣及有商務各省應行籌解此項經費即由

臣部按照該監督所奏七十五萬兩之數酌量攤派開具清單恭呈

御覽請

旨飭下各該督撫查照單開銀數迅速籌措齊全限三月內解交江海關道收存以四十五萬兩歸還墊款以三十萬兩交付該監督補領足數毋任稍有短欠延宕以符奏案而顧要需所有臣等遵

旨速議緣由理合恭摺具陳伏乞

皇太后

皇上聖鑒謹

奏

附錄各省籌解美國賽會經費清單

直隸銀十萬兩

江蘇銀十萬兩

廣東銀十萬兩

四川銀十萬兩

湖北銀八萬兩

浙江銀八萬兩

江西銀四萬兩

安徽銀四萬兩

湖南銀四萬兩

山東銀四萬兩

福建銀三萬兩

以上共銀七十五萬兩務於三月內各照所派數目解交

江海關道以便分別歸還撥領

外務部奏請派赴日本大阪舉行賽會人員摺

光緒二十八年

奏為日本大阪舉行賽會請

旨簡派數員屆期前往恭摺仰祈

聖鑒事竊臣部接准日本代理使臣松井廣四郎函稱本國勸業

博覽會於中歷明年二月在大阪舉行擬請中國王公大員
往觀藉資游歷現接農商務大臣郵寄請帖前來請轉行各
衙門屆時前往等因當經臣部將該使臣所送請帖分別轉
行各衙門在案伏查賽會一事外洋視為至重蓋於聯絡邦
交之中實寓振興商務之意此次日本因該國設立博覽會
擬請中國王公大員往觀情意甚殷未便堅卻惟查該使臣

原送請帖係徧行邀請在廷諸臣無概行前往之理自應候
旨遵行以昭慎重茲特按照該使臣原請各銜名謹繕具清單恭
呈

御覽請

旨簡派數員屆期前往藉示周旋因以考察物宜講求工藝實於
商政不無裨益是否有當理合恭摺具陳伏乞

皇太后

皇上聖鑒訓示謹

奏

外務部奏請派赴比國黎業斯城賽會人員摺

光緒三十年

奏為比國黎業斯地方舉行賽會請

旨派員屆期前往恭摺仰祈

聖鑒事竊臣部於上年八月初二日接准比國使臣姚士登照稱
西歷一千九百零五年四月即華歷光緒三十一年三月在
本國黎業斯地方舉行萬國各種賽會今奉本國大君主之
命恭請貴國

派員親到本國入會贊助盛舉並願商民前往賽會同沾利益等
情當由臣部復以屆時當奏明辦理並咨行商部暨劉知總
稅務司在案茲復接准駐紮比國大臣楊兆釐函稱比國黎
業斯地方賽會一事現法義等國已向該會訂定地段我華

如有商人入會須計人數之多寡預定地段之尺寸惟佔定基地會章以本年三月底截止尚盼早日請

旨派員蒞比俾商人呈報有所憑藉等語臣等查賽會之舉外洋視為至重原以振興商務亦以聯絡邦交此次比國黎業斯地方舉行賽會由該使臣奉其君主之命恭請入會未便堅卻應請

簡派大臣屆期前往如蒙

俞允恭候

命下即由臣部咨行該大臣暨商部分別辦理所有比國賽會預請

派員緣由理合恭摺具陳伏乞

皇太后

皇上聖鑒謹

奏 光緒三十年三月初十日奉

硃批著派楊兆璽屆期前往欽此

總署咨英屬奧大利亞賽會請飭華商赴會文

光緒五年

為咨行事六月初七日准英國威大臣照稱接本國總理各國事務丞相薩文閣現在新金山省咩利盆省城於明歲末後歲初擬行賽會請將章程轉達中國查照准此合將前項章程照會查核等因當經本衙門飭行總稅務司查明聲復

在案旋准申呈內稱各地散處之賽會與在國都之賽會有別能不應承助會一切事實為至妙等語八月十九日又准總稅務司函稱既應德國之捕魚會則叫利盆賽會應咨南北洋並劄行總稅務司通知各口華商得悉等因前來除由本衙門劄行總稅務司轉飭悉知外相應抄錄照會咨行轉飭各關監督諭知各口華商如願助送賽奇物件其出口時准免納稅可也須至咨者

右咨南北洋

附錄英國照會

為照會事去年九月間前傳署大臣以新金山於今年七月

起擬行賽會事宜函致

貴衙門在案彼時賽會之初原在屑尼地方即係烏修威士
省城昨接本國總理各國事務丞相薩咨文內開現在新金
山畔利盆省城復於明歲末後歲初擬行賽會事宜此舉可
成在朝廷愿竭力相幫擬請貴大臣將賽會章程轉達中國
查照等因准此本大臣理合將前項章程備文照會

謹按新金山即奧大利亞賽會章程已列上卷

總署咨英國倫敦賽魚會已飭稅司赴會文

光緒八年

為咨行事准英國威大臣照稱各國擬於明年在本國京師
開設漁戶器具公會茲准本國丞相歌咨開此舉本國雖不

承辦而實有保全欣悅之心可否酌派大員如何辦理之處
理合據情照會並將公會專章幅帙送呈查照等因當經本
衙門劄飭總稅務司妥議聲復去後旋准申復如酌定入會
不若按照光緒六年德國賽會辦法於各口中檢擇一口備
齊器具送往請核奪示遵等因經本衙門允如所請劄飭照
辦茲據總稅務司申復前德國賽會係於各口中擇定甯波
一口由稅務司辦理現值英國公會擬於潮州汕頭一口辦
理並飭宜昌甯波打約三關稅務司將其本口所特有之物
檢備一二以資送往等因前來除照復威大臣查照辦理外
相應抄錄威大臣專章等件咨行查照辦理可也須至咨者

右咨南北洋

謹查此項章程並以下和國德國各會章程均經列入上
卷

總署咨和國都城衙奇會請飭華商赴會文

光緒七年

為咨行事九月二十六日准和國費公使照會內稱奉本國
來文於光緒九年夏季在本國都城亞摩斯德爾登地方設
立各國衙奇公會按照同治十二年之奧國光緒二年之美
國四年之法國公會相同本國行知本大臣即請貴國聚集
中國諸色美麗貨物百工精奇巧妙技藝赴本國都城與各
國一同入會即祈復知以便行文再與貴國出使大臣詳議

復於十月初五日准費公使錄送衙奇會

漢文

告白各一紙

照會前來當經本衙門劄行總稅務司酌核聲復茲據復稱各國往來修好貿易通商彼此輪設公會實為美舉請行知轉飭辦理等語除照復和國費公使外相應咨行

貴大臣轉飭通商各口於附近地方出示曉諭中國商民其有願往入會者准其前往其中國之出產預備入會者准赴各稅務司報明係入會之物方准免稅出口即希查照辦理可也須至咨者

右咨南北洋

總署咨德國伯林捕魚會已飭稅司赴會文

光緒五年

為咨行事前准德國巴大臣照會稱本國人欲於一千八百八十年在本國都城立一海河捕魚各物賽奇會凡各國願為者均准列入等因並將轉單一紙附送前來當由本衙門抄錄轉單知照總稅務司去後嗣准總稅務司函稱此會為時過促各口不及辦送捕魚器具擬飭甯波一口酌量備送等語除由本衙門知照總稅務司轉飭甯波稅司妥速備辦並照復德國巴大臣外相應抄錄轉單一紙咨行貴大臣轉飭查照可也須至咨者

右咨南北洋

總署咨德國韓卜城牲畜賽奇會請飭曉諭文

光緒九年

為咨行事光緒八年十二月十一日准德國巴大臣照稱本
國擬在韓卜城地方設立各國牲畜賽奇會於九年五月二
十九日開會於六月初八日告竣若中國官民均願列入會
中洵稱美舉並將會條號單附送前來當經本衙門飭飭赫
總稅司酌辦去後茲據申稱詳查此會不過九日之舉其會
中所求者則各類之活畜泰西附近之國官民易於親身赴
會亦無難攜帶牲畜雖道遠二千里者一晝夜可到若中國
送牲畜至韓卜城至快約須六十日始到活物水腳必格外
昂貴尚未定到彼得活與否而一路在船束縛拘執肢體皮
毛必極疲瘦以疲敗之物赴會反為人所指摘故一時立為

赴約原屬難事然既承巴大臣知照自可示及中國官民凡有願去者聽從其便以副雅意等語申復前來本衙門查該總稅務司所呈係屬實在情形除據情照復巴使外相應照抄會條號單咨送查照飭行各口諭示中國官民凡有願去者聽從其便可也須至咨者

右咨南北洋

美國賽會監督溥咨各省賽會貨物須先呈報文

光緒二十九年

為咨行事本爵監督奉

旨前赴美國散魯伊斯城賽會所有度地建屋陳設貨物並照料華商赴會一切事宜業經飭令華副監督四品卿銜候選道

黃開甲先期前往預為布置並擬令洋副監督東海關稅務司於本年冬間前往各省華商人等有願籌集資本運貨赴會者在京即呈報本爵監督核辦在外即呈請各地方官或報明稅務司轉報本爵監督核辦至貨物件數若干須佔地方英尺若干務須預行報明庶能先向會場商酌基址又確係運赴美國賽會之物並無販運中途銷售情事方可批准出口時由本監督照會各稅務司驗明免稅放行此外如水脚棧租川資旅費等項概由該商自行籌備至美國進口以及會務完竣銷售等事應令遵照美國現定賽會章程一律辦理不得稍有抗違到美以後應由本爵監督飭令副監督

妥為保護照料其有情願呈請帶往貨樣以期擴充商務推廣利源即行呈報本爵監督轉飭華洋副監督均可攜帶前往但每種不得過一件以期簡約相應咨行

貴部堂先期出示曉諭華商人等如有呈請赴會者希即咨明本爵監督並一面知會華洋副監督遵照辦理可也須至咨者

右咨各省

外務部咨美國賽會章程改易數款請飭通行曉諭文

光緒

二十九年

為咨行事光緒二十九年七月十四日准美康使函稱早數

日接海關總稅務司送來譯就華文散魯伊斯賽會所論華人進口與帶貨赴會章程並云中國官商頗有不悞章程之處本大臣當即電知本國外部聲明中國官商有此意見茲接外部來文稱本國商務大臣云查該章程係與中國官員無涉按美例中國官員與其隨員跟役人等原有免其接從前所定華人進口之禁辦理一條又按美戶部所轄管理口岸人員於中國赴會黃副監督與其隨員跟役及其所帶在該會場蓋造華式房屋華工均係驗有中國所給進美口之照毫無阻攔並未索別項進口文憑即此可証本國戶部所定之章程係與中國官及其隨員跟役均屬無涉本年西七月一

號美戶部已將管理外國人進口岸之局轉交商務部管轄
又稱此章程現已稍有變易之處即如修改章內大意如有
華商帶貨物赴會不必照原章須取保人若干銀兩之保單
亦不必按原章須時常在會場以內不得隨便他往惟華商
前往美國必須請有中國所給之照照內須聲明帶貨赴會
者實係華商並須有美使館或出洋口岸美領事於照上簽
字蓋印各節望設法開通中國官商之疑慮並將現所變易
該章數款補行知照等因前來查本年五月間准駐美梁大
臣咨稱美戶部所定華人赴會入口章程跡近瑣屑含混現
經照會駁詰俟接復文如有損益之處再行達知先行咨送

譯章等語當經本部鈔錄咨行在案茲准美使函稱前因除
函復外相應咨行

貴大臣查照辦理再行曉諭赴會商民一體知悉可也須至
咨者

右咨各省

外務部咨美國散魯伊斯萬國馬路會希派員前往文

光緒

三十年

為咨行事光緒三十年三月十一日准美康使函稱接本國
外部文稱本年五月十六號起至二十一號止請貴政府派
人預散魯伊斯會內所設之萬國修造馬路會該會意欲請

各國著名工程師數位講論各所用集款應用之法及用何
法造路與成路後如何歲修並擬於會場內修造各等馬路
式樣俾人共看其修造係用最新極好之機器有工程師在
該處講解造法與用吧瑪油攪合砂石及煤氣油合砂石松
香合砂石各種新出造馬路式樣並欲講解如何設法使貧
苦人與游手及犯法各等人均行作工雖此會係由民立非
本國政府所設而貴國政府如以此會為關緊要派人前往
本國政府亦甚欣願茲將寄到請帖一分函送等因相應將
原送洋文並請帖一分咨行

貴大臣查照遴派駐美使館人員屆期往赴該會並將派出

該員銜名聲復本部以便轉復康使可也須至咨者

右咨駐美大臣梁

外務部咨美國散魯伊斯萬國學堂會希派員前往文光緒

三十年

為咨行事光緒三十年三月十一日准美康使函稱接本國
外部文稱本年六月二十八號至七月一號在散魯伊斯賽
寶會內設一萬國學堂教法學問會係本國原有學堂會之
總理人與賽寶會內總理人合設此萬國學會寄來請中國
赴會之請帖並所印講論此會中大意一紙屬為轉送等因
相應將原送請帖暨所印講論一紙咨行

貴大臣查照遴派駐美使館人員屆期往赴該會並將派出該員銜名聲復本部以便轉復康使可也須至咨者

右咨駐美大臣梁

出使美日秘大臣梁咨送美戶部定立華人赴會章程文

光緒二十九年

為咨呈事本大臣於光緒二十九年四月十八日承准赴會正監督貝勒銜固山貝子溥咨開本監督先行飭飭華副監督黃開甲即日由京赴滬選帶工匠前赴美國預為布置並照料華商運貨赴會事宜希轉達美外部放行其華商赴會事宜應即遵照美國賽會章程辦理等因承准此本大臣當

經按照來咨事理照會美外部旋據復文允為咨行美戶部
通飭稅關優待放行其華商赴會自應遵照美戶部所定章
程辦理本大臣查接管卷內附有西歷一千九百零三年正
月七號美戶部所定華人赴會入口章程一分計共十款所
擬辦法跡近瑣屑語意亦多含混大非邀請賽會之本旨現
經本大臣照會美外部轉咨駁詰以期事歸簡易便益商民
亟應先行照譯普諭赴會商民一體知悉俾免臨時觸背致
多輾轉除俟接外部復文如有損益之處再行達知外相應
備文咨呈附送譯章即希

貴大臣先為分行轉飭曉諭赴會商民一體知悉遵章辦理

庶於會事旅行兩無窒礙為此咨呈

貴大臣謹請察照施行須至咨呈者

右咨南北洋

出使美日秘大臣梁咨送華人赴會美工商部改定章程文

光緒二十九年
附照會

為咨呈事竊照美戶部於西歷一千九百三年正月七日即
光緒二十八年十二月初九日定立華人來美賽會章程十
款跡近瑣屑語意含混大非邀請赴會本旨業經本大臣照
會美外部轉咨駁詰並將原定章程譯送

貴大臣轉飭曉諭在案旋承准赴會正監督倫貝子電咨內

開外務部咨准貴大臣咨美戶部所擬華商賽會辦法並鈔錄章程等因查章程十款跡近瑣屑自應婉辭駁詰以期便益華商美戶部能否量為酌改歸於簡易俟有復文希速電覆等因承准此嗣經本大臣迭次會晤美外部往復辯論始由新設之工商部於光緒二十九年閏五月二十一日即西歷一千九百三年七月十五日將前項戶部原定章程酌量刪改並增入華商赴會一條准美外部於閏五月二十六日照復錄送前來本大臣查該外部來文所稱嗣後美國議院定開賽會華商意欲來美陳設貨物者無須具保亦可不必常川在場又工商部既經改定章程則一千九百三年正月

七日戶部原定章程作廢又新增第五款載華商來美賽會應由中國官員給照並經出口處美國公使或領事簽名此章程之第四第九第十各款均與此項華商無涉各等語自係格外通融利便華商辦法至於新章第三第六第七等款均有賽會僱用工人字樣則華商無庸照行已可類推本大臣詳核新定章程十一款於華商曲示周旋而華工仍加限制自是美國歷年成見一時斷難翻駁在彼既不失敦請赴會之本旨在我亦可收講求商務之實效自當按照該工商部新定章程通飭曉諭商民一體知悉凡華商來美賽會即照光緒二十年中美續約第三條辦法向中國官員請領華

洋文執照將姓名年歲籍貫身材相貌何項貿易粘貼照像
一一填註明白由出口處美國公使或領事官簽名收執以
便抵美時呈驗其賽會華商所僱工人自應按照此次新定
章程取保領照辦理倘有游歷觀會之官紳人等可照中美
續約第三款辦法領取游歷執照查驗合式自可放行入境
除電達外務部轉行暨分別咨行外理合將美外部復文及
工商部新定章程譯漢備文咨呈

貴大臣轉飭曉諭俾赴會商民遵章辦理庶免抵美登岸別
生齟齬於會務不無裨益為此咨呈

貴大臣謹請察照施行須至咨呈者

右咨南北洋

附錄美外部來文

光緒二十九年閏五月二十六日
西歷一千九百三年七月二十號

為照會事照得

貴大臣

中五月十三日
西六月八號

來文駁論戶部一千九百零三年正月

七號

即光緒二十八年
十二月初九日

定立華人來美前赴散魯伊斯賽會

入口章程業經本大臣轉行核辦在案茲准工商部大臣文

稱戶部所定賽會章程只為他項華人設此限制原與本國

敦請中國政府派來賽會之員無涉凡中國官員隨時來美

係遵一千八百八十四年七月五號議院定例第十三款辦

理其第十三款載明本例之條款與中國出使官員人等為

國事而來者不相干涉其所執之文憑可作護照至其僕從人等亦不在本例所轄之內等語戶部所定章程係按此意講解即如中國政府所派散魯伊斯賽會監督黃開甲日前帶同隨從工役人等來美以備建造賽場房屋戶部只須呈驗文憑即飭金山稅關任其登岸惟本部格外通融特將戶部前次所議章程量為變通以便華商嗣後美國議院定開賽會凡華商意欲來美陳設貨物無須具保亦可不必常川在場此為本部新章所最注意者也茲本年西七月十五號本部改訂章程鈔錄附呈察閱再此項新訂章程並非專指散魯伊斯賽會而言日後本國凡有賽會均係一律辦理等

因准此相應鈔錄章程一分照會

貴大臣請煩查照須至照會者

謹按此項章程係將前議章程改定業經編入上卷

南洋大臣魏咨美國賽會應請擇地建造房屋文

光緒二十九年

為咨請事光緒二十九年三月十一日准代辦美日松古國

大臣沈申呈竊查美國明年新路易舉行萬國賽會一事前

承准來文飭查會中起建房屋工程約需經費若干當經備

文申復在案現晤該會督辦及工程處總辦請其指撥相宜

地段以備中國建造房屋並派在美學生歐陽祺赴會場

查勘地段何處最為合式旋據勘明稟復美國新路易會場

在美都西南離華盛頓三十五點鐘火車路程勘得會場總
辦公所前面正對有地方一段縱橫各一百二十五尺地基
高爽最近大門實為往來孔道除各國已指定地段外此地最
為相宜當經詢商總辦酌留此地據稱此地如合中國政府
之意儘可指定如不合另行揀選亦聽其便等語並向會中
各員細加詢訪僉謂此地合宜各員意見甚欲中國仿內地
名勝處所建一房屋或苑囿或園林隨意布置最為宜稱屋
內間架無論多少祇須縱橫各五六十尺即不寒儉此地專
為赴會官商游憩聚會之所至商民陳設賽會之物另分行
列各以類聚不必羈入其中如有珍異亦可在此陳設惟格

於成例不能得會中賞格等語旋向該處工程師核實估計
建造五六十尺房屋約需經費若干據稱一層之屋約美銀
七萬五千元兩層約十萬元三層約十二萬五千元之譜此
數是就美國工料估計未免稍昂若由中國採辦雕刻精細
木料繪定圖式酌帶巧匠數名來美撮合其餘粗工磚石仍
就近在美采購建造價當可省等情查會中章程各國建造
會中房屋是專為各國官商游覽之處與陳設貨物之所各
不相蒙特另具圖式並譯漢文以備省覽應如何酌仿古今
名勝屋宇建造之處聽候卓裁又查各國建造房屋約就所
撥之款三分之一以為鳩工集料之需茲就各國撥款派員

畧列一表於後至會中陳設各物則礦產五金地中地上動
植飛潛各物茶酒各品蠶絲繅繭及織成絲帛漆器磁器雕
鏤象牙木器玉器玩具古書古畫各種文具均為相宜懇將
情形通飭各關知照又學生歐陽祺是廣東香山縣人自備
資斧來美游學已領高等學堂文憑現在紐約專門律學茲
因使館無員可調特派馳赴會場查勘一切對答明晰甚有
條理方今譯材難得將來如須派員來美赴會該學生就近
兼充繙譯只須酌給月中薪水可免往來川資糜費似屬兩
有裨益合併陳明所有派員查勘建造賽會房屋情形理合
申請察照施行等因並國摺到本大臣准此查中國赴美賽

會已派有監督所有會場擇地仿建屋宇及一切布置事宜
自應由賽會監督酌核辦理惟現既由沈代辦大臣考察地
勢辦法自可藉資參酌除行上海道俟監督至滬時呈請核
辦外相應抄招繪圖咨明為此咨呈

貴部謹請查照希即轉咨核辦望切施行須至咨呈者

右咨外務部

商部咨比國在黎業斯賽會轉飭紳商知照文

光緒二十九年

為咨行事光緒二十九年八月初七日准外務部來文內開
據比姚使照稱三月十三日照會西歷一千九百零五年四
月在本國黎業斯地方舉行萬國各種賽會並附送傳單在

案今奉本國大君主之命恭請貴國

派員入會並願貴國商民前往賽會茲將該會議定章程四本備送等語

派員入會一節應由本部屆時請

旨遵行至商民前往賽會事隸貴部應將前後來往照會章程一併咨送覈辦等因前來查比國於西歷一千九百零五年四月在黎業斯地方舉行賽會並願中國商民前赴該會同沾利益現當振興商務之際亟應設法諭令各紳商照章前赴該會游覽並陳列商品比賽以開風氣而求進步除章程四本俟繕譯出再行咨照外相應鈔錄前送傳單七款並比使

前後照會咨行

貴大臣查照即行出示曉諭各紳商一體知悉可也須至咨者

右咨南北洋

商部咨比國黎業斯賽會經擬會商須知條例請轉諭商民

文

光緒二十九年

為咨行事光緒二十九年十一月十八日准出使比國大臣楊咨稱案照光緒三十一年三月即西歷一千九百零五年四月比國黎業斯地方舉行賽珍會前據比外部大臣咨送詳細章程暨會場地圖已於本年十月二十日連同譯漢咨

呈貴部在案茲本大臣覆查會章頭緒紛繁恐商人未易明
曉因就該章程中摘取要旨又與老於會事商人詳詢參考
斟酌物產之宜融會中西之要編為會商須知十二條咨請
貴部通行各省出示曉諭務令各商於赴會之先預知利便
之端似於會商不無裨益其不必急知之事俟商人到洋後
由專派之員隨時示諭等因鈔粘咨呈前來查賽會一事泰
西各國莫不提倡鼓舞視為振興商業切要之舉中國風氣
初開商民尚未盡悉賽會之益自宜設法勸諭俾令爭先赴
賽以期商務逐漸起色除據咨電達外相應鈔錄前項章程
咨送

貴大臣查照即行示諭各紳商一體知悉如有情願入會者
速赴本管關道呈報彙齊轉詳務於明年二月以前將赴會
商人名數及應用地段若干詳細報部以憑轉咨可也須至
咨者

右咨南北洋

謹按此項條例係為赴會華商而設已列上卷

外務部照會鄂省備物赴黎業斯賽會希轉知酌留地段丈

光緒三十年

為照會事光緒三十年正月十八日准商部咨稱准署湖廣
總督雷稱比國黎業斯會鄂省擬備品物赴賽陳設地段須

四面各二丈見方高二丈祈飭預為酌留等情除電達出使
比國楊大臣外請照會

比國駐京大臣等因前來相應照會

貴大臣查照轉達

貴國飭知該會所預為酌留可也須至照會者

右照會比公使

外務部咨法國在河內賽會請飭華商赴會文

光緒二十八年

為咨行事光緒二十八年正月初十日准法國駐京署使費
大臣照稱法國所屬河內地方於本年冬季十月初四日開
辦賽會應行辦法各節業於變亂之前達知赫總稅司現今

事仍歸舊查東海各國經我國召請入會而中國與安南最近自當尤係在會之列按照越南總督所訂賽會章程凡有法國及法國所屬並東海各國所出農工各產以及珍奇各物均可入會且開賽會時河內紅江大橋並不久由北圻通至滇省鐵路之頭段均皆告成查如此賽會必能有中國與法國在東亞之屬地通商往來日加振興之效驗若中國入賽頗盛則所獲裨益實深為此照請外務部通告各省督撫凡有此次入河內賽會之人務使便易前往並希將以上所述各節達知赫總稅務司緣庚子歲中國於巴黎賽會一切事宜均歸總稅務司照料此次自必仍歸該員出為襄助所

有設立該會條規及總章程附送查收等因查賽會為振興商務之本河內與中國鄰近各商赴會較更便易除將該會條規及總章程譯出附送外相應咨行

貴大臣飭屬曉諭各處商民前往赴會可也須至咨者

右咨南北洋

外務部咨法國舉行東瀛博學會請派員赴會文

光緒三十年

為咨行事光緒三十年九月十八日接准法國呂使照稱准本國外部文稱所有考求東瀛博學會現定於明歲三月間在法國屬地首郡阿爾日聚會甚願各國專派博士赴會共資考究此項公會係各國著名博士歷年舉辦於東瀛語

言文字史記古蹟金石等學無不窮究根源補益良多應照
會貴部酌奪辦理並附送公會知單二件等因前來查法國
於明年三月舉行東瀛博學公會係為考求東方藝文學問
起見自應由

貴大臣就近派員屆時赴會以資參稽除照復法使外相應
將原送公會知單二件咨送

貴大臣查照辦理可也須至咨者

右咨駐法大臣孫

外務部咨北洋洋務局所擬工商赴日本賽會章程分別准

駁飭遵文

光緒二十九年

為咨復事正月二十二日准咨稱據洋務總局詳稱日本三月間會在即遵擬工商赴日本大阪賽會章程十條呈候核奪轉咨外務部核辦等情除批示外相應咨請查核辦理見復等因並粘鈔清摺前來本部詳加查核第二條開向來西國大會倘有中國紳商將家藏古玩書畫珍寶等物寄洋赴賽並不出售者所有水腳保險由官發給此次應否照辦請咨外務部查案核定等語本部查從前各國賽會有由稅務司經理者有由商民自行辦理者其赴會不出售之物件由官發給水腳保險之處本部無案可稽此次日本大阪賽會中國各省官商赴會購運貨物較多與從前泰西各國賽會

情形不同如有紳商自運家藏古玩書畫珍寶等物赴會既
非出售不過為多備陳設起見所有水脚保險等費應令該紳
商等自行經理無庸由官發給又第五條開應請外務部通
行各海關凡有呈報赴會貨物給憑驗放等語本部查出洋
賽會貨物向係免稅此次各省商民運物赴日本大阪賽會
應令呈報就近海關查驗確係赴會貨物准其一律免稅本
部業經行知總稅務司在案其餘各條均尚可行應准照辦
相應咨復

貴大臣轉飭遵照可也須至咨者

右咨北洋

外務部咨賽會貨物須有海關監督執照方准免稅文 光緒

二十九年

為咨行事查近來賽會風氣大開官商均有運物出口之事
本部以稅務攸關自應議定稽查專章以防影射偷漏當經
飭行總稅務司酌核聲復去後茲據申稱凡有出口貨物均
係於貨將入船時報關是關員實無暇逐一清查去向且不
能稽延船行時刻只可照貨色徵稅放行所謂影射之弊勢
所難免惟既准赴會物件得享免稅之益自可定立專章以
保稅權現擬凡欲運物赴賽某會者須先由本商請由該會
監督發一運物執據俟所運之貨報關出口時將此執據一

併呈驗方准免稅無執據者照則納稅俟貨到會時由監督查明與原執據所載若有增減惟該商是問云云理合備文申請核復以便通行飭遵等因前來本部查各國舉行賽會層見疊出中國未必每會皆派監督前往即使派有監督而商人散處各省概令呈請該會監督給照勢亦有所不便不如令由就近海關監督處呈請給照較為簡捷茲酌定章程如下凡欲運物赴某處賽會者須由本商先期赴就近海關監督處呈請發給運物執照俟所運貨物報關出口時將此執照一併呈驗方准免稅仍隨案報明本部存查無執照者照則納稅自此次定章後遇有賽會悉令照此辦理除分咨

並創行總稅務司通飭各關稅務司遵照外相應咨行
貴大臣查照轉飭各關道遵照可也須至咨者

右咨南北洋

內閣中書康達呈請代奏設立茶磁賽會公司稟

光緒二十九年

為懇請代奏事竊維中國物產富饒甲於五洲自互市以來
商戰日繼年甚一年即茶磁兩宗為中國獨擅之利亦聽洋
商任意抑勒莫可如何其故由於彼之所有能運之以來我
之所有獨不能運之以往遂使太阿倒持漏卮外溢洋商得
以操縱自如所以出口入口遠不相敵也伏讀九月初十日
貝子爺所上敬陳管見一摺首以商務為亟亟而於賽會一

舉加意講求選派官紳勸導赴賽並照通例免稅派船遣送
免收川資種種維持凡以振興商務收回利權幸蒙

聖明俞允中外有識之士無不同聲慶幸以此舉為中國商戰之
一大轉機凡有血氣者宜如何黽勉從事踴躍爭先庶無負
此良法美意夫欲制勝於商戰舉中國所有者應以茶磁為
大宗而茶磁之銷路應以歐美兩洲為最暢從先茶磁出口
皆洋商在華購買其由華人自行運往者甚少既無由悉其
奧妙亦莫能爭自濯磨故華茶日見減色而英商攬入印度
茶乃反稱上品華磁不合西式而東洋劣等之磁反覺暢銷
此可知今日茶磁兩宗不能廣行於西國者非工藝遠遜彼

之故亦由經理未得其人也職等不才平日頗知究心商務而於茶磁兩事尤所深悉現在邀合兩行殷實之家業經商定專辦賽會公司章程集有鉅款擬在祁門監製紅茶在景鎮燒造磁器務在翻新滌舊擇精選良屆期運赴美國會場當場比賽以期奪幟越方增光

君國於通商大局不無裨益萬一也惟是華商賽會從前本屬寥寥今當創辦集款至數萬金之多且欲另行招股擴充苟非奉有明文及一切保護之權宜則亦未敢冒昧從事不揣冒瀆懇請代為奏明立案並請

旨飭下商務大臣照章優予保護盡力維持則所以抵制外來之

貨物雖屬有限而其可以恢復已有之權利實覺無窮職等無任迫切待命之至

右稟商部

謹按章程共計十條已列上卷

招商局呈輪船裝載賽會人貨減收水腳稟

光緒二十九年

敬稟者竊

職道

等奉

南洋通商大臣劄開光緒二十八年十月二十三日准

政務處咨本月初五日本處會同外務部議覆將軍載振奏敬陳管見一摺奉

旨依議欽此相應咨行貴督遵照辦理可也等因並抄單到本大

臣准此查原奏內有關涉商務要件目前正當派員辦貨赴日本博覽會之際原奏內所云使中國富商載貨帶匠明年前往試行賽售並體驗行銷利鈍之故考察式樣仿造之宜請由商務大臣各直省督撫出示曉諭並選派官紳認真勸導富商良匠趕造備賽工商偕行詳細考驗等語實為目前急應趕辦之事應飭商務局迅速籌辦除飭江南商務局遵照迅速切實核議詳辦毋稍延誤亦毋得以空文搪塞切切疊分行外合行抄單飭到該局即便遵照妥議章程詳候核辦計抄單等因奉此 職道等遵查外洋各國通例凡舉行賽會之國其國中郵船裝運賽物赴會所者均減收運腳至

友邦運物赴賽由該賽會之國接運到賽所者亦將人貨水
脚減收即如後年美國魯思安拏地方舉行賽會開屆期由
美國往來中國之船所運赴賽之人貨均照尋常水脚核減
八折收取明年日本亦然惟此指國家之輪船公司而言若
商人所設之公司其輪船承運赴賽人貨或則照收水脚並
不減成或則減價以廣招徠均聽商人自便國家不加強勉
即如後年美國舉賽而其南太平洋之輪船公司並不減收
水脚也然此皆指舉行賽會之本國而言若別國舉賽而我
國之輪船公司裝運人貨赴賽者歐洲各國向未聞有減收
運脚之例惟聞後年美國賽會時日本郵船赴美國者亦一

律減收水腳蓋藉此以開擴其航路不第專為賽會起見我中國現在未有行走外洋各國之輪船公司亦從未有賽會之舉數月前 局輪船曾在漢口裝運賽物赴法國屬之安南會所由上海轉口者其水腳照章收取並不核減今

朝廷振興藝學敦勸工商務開通夫風氣資者鏡於環球遇外洋各國舉行賽會之時各省官商運物赴賽者責令 局減收運費以期羣情趨赴成效易收 局自庚子以來生意雖甚減色而於報効

國家之忱未嘗稍復況此惠商勸工之舉商情尤樂觀厥成業與商董等一再籌商遵將 局於明年日本後年美國賽會

時承裝赴審人貨由江海各口岸轉運至上海者參取外

通例比較向收客貨之水脚均以八折核收謹擬章程五

條繕呈 伏乞

憲裁批示遵行實為公便

右稟北洋大臣

謹按章程共計五條已列上卷